



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

EducT  
918.10  
300



**Harvard College Library**

**FROM THE**

**MASSACHUSETTS HISTORICAL  
SOCIETY.**


---


18 Nov. 1891.




3 2044 097 065 791

18-11-9







# CORDERII

*Not in order*

## COLLOQUIORUM CENTURIA SELECTA :

IN USUM TIRONUM.

Illud quidem minime verendum est, ne laborem studiorum pueri difficilius tolerant ; neque enim ulla ætas minus fatigatur.

QUINCT,

EDITIO PRIMA PORTSMUTHIENSIS.

---


<sup>5</sup> *EDITA CAROLO TAPPAN :*  
Portsmouth, In Republica Neo-Hantonia.  
1810.



Facit T 918.10.300

~~5277.40.4~~

~~Edue. T 92.6.69.33~~



*Gift of  
Mass. Dist. Society*

---

# CORDERII

## COLLOQUIORUM CENTURIA SELECTA, &c.



### COLL. I.

A. **Q**UID agis ?

B. Repeto mecum.

A. Quid repetis ?

B. Pensum quod praeceptor praecipit nobis hodie.

A. Tenesne memoria ?

B. Sic opinor.

A. Repetamus una, sic uterque nostrum pronuntiabit rectius coram praepatore.

B. Incipe tu igitur, qui provocavisti me.

A. Age, esto attentus, ne finas me aberrare.

B. Sum promptior ad audiendum, quam tu ad pronuntiandum.

B. Cur non scripsisti ?

A. Quia fui occupatus hesterno die.

B. Accipe meam librum et describe.

A. Non ignoras me scribere lentius, et tu descripseris totam citius quam ego quatuor aut quinque versiculos.

B. Quære alium scriptoram tibi, non possum dare operam tibi nunc.

A. Cur non ?

B. Est mihi aliud negotium, idemque pernecessarium.

A. Nolo urgere, nec possum quidem, sed saltem commoda tuum codicem.

B. Accipe, utere ut libet, modo ne abutare.

A. Est nihil quod verearis hic.



## COLL. VII

A. Unde venis ?

B. Venio inferne.

A. Sede nunc ad mensam, et mane in cubiculo donec rediero.

B. Quid agam interea ?

A. Edisce prælectionem in crastinum diem, ut reddas eam mihi antea cœnam.

B. Edidici jam, præceptor.

A. Lude igitur.

B. Sed habeo nullos collutores.


A. Invenies nonnullos in hâc viciniâ, ex tuis condiscipulis etiam.

B. Non curo id nunc ; malim (si placet tibi) ediscere de catechismo in Dominicum diem.

A. Ut libet.

B. Si quis quærat te, quid dicam illi ?

A. Dic me prodiisse, sed reversurum mox.



### COLL. VIII.

A. Visne dare mihi unicam pennam ?

B. Non dantur mihi.

A. Hem ! negas mihi tantillam rem ? Quid si rogarem magnum quiddam ?

B. Fortasse ferres repulsam.


A. Credo equidem ; age, non peto dono visne commodare ? reddam tibi cras.

B. Non recuso, modo ne abutaris.

A. Non abutar.

B. Cave ne moveas pedem hinc antequam redeam.

A. Movebo nusquam, dummodo redeas mature alioqui non expectabo tuum reditum.



### COLL. IX.

A. Visne commodare mihi tuum Terentium ?

B. Volo equidem, modo repetas illum à Condo, cui dedi uteadum.

A. Quo signo vis repetam ?

B. Nempe hîc, quod habeo ejus epistolas.

A. Id est fatis mihi.

B. Sed quando reddes ?


A. Quum descripsero contextum in tres aut quatuor prælectiones.

B. Matura igitur, ne incommodes meo studio.

A. Maturabo.

B. Sed heus ! cura ne macules, alioqui ægrè commodabo posthac.

A. Nempe essem indignus beneficio.



### COLL. X.

A. Vidistine librum meum ?

B. Quem librum quæris ?

A. Ciceronis epistolas.

B. Ubi reliquisti ?

A. Oblitus sum in scholâ.

B. Fuit tua negligentia.

A. Fateor, sed interim indica, si fcias quem accepisse.

B. Cur non adis præceptorem ? solet (ut fcis) aut ferre ea quæ relicta sunt à nobis in museolum aut dare alicui qui reddat.

A. Mones bene, quam obliviosus sum qui non cogitaveram istud !



### COLL. XI.

A. Potesne dare mutuò mihi aliquantulum pecuniæ ?

B. Quantum petis ?

A. Quinque asses, si est commodum tibi.

B. Non habeo tot.

A. Quot igitur ?

B. Tantum quatuor.

A. Bene sanè, da mihi istos quatuor.

- B. Dabo dimidium si vis.  
 A. Cur non totum ?  
 B. Quia opus est mihi duobus.  
 A. Da mihi duos igitur, quæso.  
 B. Sed non sufficient tibi.  
 A. Petam ab aliquo alio.  
 B. Accipe hos duos igitur ; quando reddes ?  
 A. Die Saturni, ut spero, cum pater venerit ad  
 forum.  
 B. Esto mèmor igitur.  
 A. Ne timeas.



COLL. XII.

- A. Da mutuò mihi duas asses.  
 B. Nunc non est facilè mihi dare mutuo.  
 A. Quid obstat ? Scio te accepisse pecuniam hest-  
 terno-die.  
 B. Accepi quidem, sed libri sunt emendi, et alia  
 necessaria mihi.  
 A. Nolo remorari tuum commodum.  
 B. Ubi emero quæ sunt opus mihi, si quid super-  
 fit dabo mutuo.  
 A. Interea igitur expectabo sperans ; sed quid  
 si nihil superstiterit tibi ?  
 B. Dicam tibi statim, ne expectes diutius frus-  
 tra.  
 A. Quando emes ea quæ decrevist ?  
 B. Cras, ut spero, aut ad summum perendie.

## COLL. XIII.

- A. Abiitne tuus pater ?  
B. Abiit.  
A. Quotâ horâ ?  
B. Primâ pomeridianâ.  
A. Quid dixit tibi ?  
B. Monuit me multis verbis ut studerem diligenter.  
A. Utinam facias sic.  
B. Faciam, Deo juvante.  
A. Deditne tibi pecuniam ?  
B. Ut solet ferè.  
A. Quantum ?  
B. Nihil ad te.  
A. Fateor ; sed tamen quid facies istâ pecuniâ ?  
B. Emam chartam, et ulia quæ sunt opus mihi.  
A. Quid si amiseris ?  
B. Ferendum erit æquo animo.  
A. Quid si fortè egero, dabisne mutuo ?  
B. Dabo mutuó, et libenter quidem.  
A. Ago tibi gratias.



## COLL. XIV.

- A. Ubi est tuus pater nunc ?  
B. Puto eum esse Lugduni.  
A. Quid agit illic ?  
B. Negotiatur.  
A. E quo tempore ?  
B. Ab ipso initio mercatûs.  
A. Miror valde quí audeat commorari illic tam diu, cum sit tanta pestilentia in eâ urbe.  
B. Non est adeo mirandum.

A. Itane videtur tibi ?

B. Ita, profectò, nam fuit aliàs in majore periculo, sed Dominus Deus custodivit eum semper.

A. Credo equidem, et custodiet eum adhuc. Sed quando est reversurus ?

B. Nescio, expectamus in horas.

A. Deus reducat illum.

B. Ita precor.

A. Quonam abis nunc ?

B. Rectè domum, vale:

A. Vale tu quoquè.

~~~~~

#### COLL. XV.

A. Quid es ita lætus ?

B. Quia pater meus modo venit.

A. Aintu, unde venit ?

B. Londino.

A. Quando advenit ?

B. Modo ; ut dixi tibi jam.

A. Jamne salutavisti ?

B. Salutavi quum descenderet ex equo.

A. Quid ampliùs feceisti illi ?

B. Detraxi calcaria et ocreas.

A. Miror te non mansisse domi propter ejus adventum.

B. Nec ille permisisset, nec ego vellem, præsertim nunc, cùm prælectio est audienda.

A. Consulis bene tibi, qui habeas rationem temporis : Sed valetne pater ?

B. Rectè, Dei beneficio.

A. Equidem plurimùm gaudeo, tuâ causâ et ejus, quòd redièrit peregrè salvus.



B. Facis ut decet amicum, sed colloquemur ceteris pluribus verbis.

A. Vide præceptorem, qui jam ingreditur scholam.

B. Eamus auditum prælectionem.

---



---

COLL. XVI.

A. Ubi est tuus frater ?

B. Ivit domum modo.

A. Quid ed ?

B. Petitum nobis opsonium.

A. Quid opus est vobis opsonio nunc ?

B. In merendam.

A. An non habetis in arcâ vestrâ ?

B. Non.

A. Quid ita non ?

B. Quia mater non solet dare nobis opsonium, nisi in præsens tempus.

A. Nempe, quia novit vos esse gulosos.

B. Quomodo sumus gulosi ?

A. Quia fortasse devoratis uno convictu quod datum fuerat in tres.

B. Tace, ego dicam præceptori te vocare nos gulosos.

A. Tace, ego dicam præceptori fratrem tuum discurrere perpetuo.

B. Atqui non solet prodire nisi cum bonâ veniâ præceptoris.

A. Atqui fallit præceptorem.

B. Quomodo fallit eum ?

A. Nam non est mens præceptoris, ut prodeat ter quotidie.

~~B.~~ Sine illius venire, videbis quid respondeat.

A. Imò, videat quid respondeat præceptori.

### COLL. XVII.

A. Quando expectas reditum patris?

B. Ad octavum diem hinc.

A. Qui scis diem?

B. Pater ipse scripsit ad me.

A. Adventus ejus, ut spero, ditabit te.

B. Ero ditior Cræso, si venerit bene nummatus.

A. Reddes mihi mutuum tunc?

B. Ne dubites, quin si tibi opus erit ampliùs, non modò reddam mutuum, sed etiam referam gratiam.

A. Quomodo?

B. Dabo n' utuam pecuniam vicissim.

A. Nihil opus erit ut spero.

B. At nescis quid possit accidere.

A. Ago tibi gratias, saluta patrem, ubi redierit, meo nomine.

B. Faciam ita: vale.

A. Vale tu quoquè.

### COLL. XVIII.

A. Cur rides solus?

B. Quid refert tibi?

A. Quia fortasse rides me.

B. Unde oritur ista suspicio?

A. Quia es malus.

B. Omnes sumus mali quidem, at ego non sum perier te. Nemo ridet igitur, nisi irrideat aliquem?

A. Non intelligo sic, sed qui ridet solus, ut audivi sæpe, aut est stultus, aut cogitat aliquid mali.

B. Nescio cujus sententia ista sit, sed cujuscunque sit non est perpetuò vera; tamen accipio admonitionem in bonam partem, et moneo te vicissim, ut caveas esse suspiciosus, nam mors est aptissima timidis et suspiciosus, ut est in nostro morali tar- mine.

A. Memini, boni consulo tuam admonitionem.

### COLL. XIX.

A. Quantum pecuniæ habes?

B. Assẽm cum semisse; quantum habes tu?

A. Non tantum.

B. Quantum igitur?

A. Unicum assẽm.

B. Vis dare mutuò mihi?

A. Est mihi opus.

B. In quem usum?

A. Ad emendam chartam.

B. Reddam tibi hodie.

A. Addendum fuit, Deo juvante.

B. Sic præceptor docet ex verbo Dei, sed non possum assuescere.

A. Fac assuescas.

B. Quomodo id fiet?

A. Si cogites sæpe nos sic pendere a Deo ut possimus facere nihil sine ejus auxilio.

B. Das mihi bonum consilium.

A. Quale velim dari mihi.

B. Sed ut redeamus ad propositum, dabis mutuò mihi istum assẽm?

A. Miror te petere mutuo a me qui habes plus quàm ego.

B. Est quidam scholasticus transiens hac, qui ostentat librum venalem.

A. Quid tum ?

B. Cupio emere, quia indicat villius quàm noster bibliopola.

A. Accipe, sed quæso, unde reddes tam cito ?

B. A cenâ ibo domum, et petam à matre.

A. Quid si nolit dare tibi ?

B. Non cunctabitur, cum ostendero illi librum.

---

---

---

### COLL. XX.

A. Accepi pecuniam à patre hodie, si fortè tibi est opus.

B. Nihil opus est nunc, sed tamen ago tibi gratias maximas, quod pro tuà liberalitate ultro offers mihi beneficium ; nam quotusquisque facit id ?

A. Credo paucissimos, tamen tu provocasti me sæpe beneficiis.

B. Illa fuerunt adedò parva, ut non sint digna commemoratione.

A. Non est parvum beneficium, quod profectum est ab optimaâ voluntate.

B. Utinam expenderemus tam beneficia Dei erga nos, quam solemus hominum.

A. Ille faxit, ut exerceamus nos in eâ cogitatione, et sæpius, et diliigentiùs.

B. Illud profectò est necessarium, si volumus experiri ejus benignitatem sæpius erga nos.

## COLL. XXI.

A. Quid sibi vult quod absueris hâc tota hebdomade.

B. Oportuit me manere domi.

A. Quamotrem?

B. Ut adessem matri, quæ egrotabat.

A. Quid officium præstabas illi?

B. Legebam ei sapius.

A. Quid legebas?

B. Aliquid ex sacris literis.

A. Istud fuit sanctum et laudabile ministerium; utinam omnes sic studerent verbo Dei. Sed quid agebas nihil aliud?

B. Quoties erat opus ministrabam illi cum ancillâ.

A. Suntne hæc vera?

B. Habeo testimonium.

A. Profer illud.

B. Ecce!

A. Quis scripsit?

B. Noster famulus, nomine matris.

A. Agnosco manum ejus, quia attulisti mihi sæpe ab illo.

B. Licetne igitur redire in meam sedem?

A. Quidni liceat, cum satisfeceris mihi?

B. Ago tibi gratias, præceptor.

## COLL. XXII.

A. Salve præceptor.

B. Venis auspiciatò, quid annuncias?

A. Meus pater orat te ut eamus unâ in nostros hortos suburbanos animi causâ.

B. Serenitas coeli invitat vos ad eam rem, et nunc sumus feriati. Sed quid videbimus illic jucundum adspectu?

A. Varias et pulchras arbores cum fructibus suis, item miram varietatem herbarum et florum.

B. Est nihil hoc tempore jucundius illis rebus.

A. Ea est beneficentia. Des. erga nos.

B. Quam dabemus extollere assiduis laudibus.


A. Sed vereor ne simus in mora patri.

B. Expecta paulisper, dum muto togam, ut sum expeditior ad ambulandum. Jam sum paratus, sumus, sed estne pater domi?

A. Expectat nos prae foribus.

B. Bene est, vide ut salutes, eum decenter.

A. Admoniti sumus de hoc à te saepius.



### COLL. XXIII.

A. Tuus frater aut garrit semper in concione, aut ineptit, aut incitat aliquem; ex quo fit ut sit saepe notandus, ac deinde vapulet.

B. Quid vis faciam?

A. Cur non mones saepe?

B. Nunquam desisto monere.

A. Perge precor.

B. Nihil est quod me preteris, nunquam cessabo donec (Deo volente) correxerit se ex aliqua parte.

A. Sic usurpabis Catonis praeceptum, quando mones aliquem; nostri caetera.

B. Sed oro te, mi Abrahame, ut, quoties notaveris eum, renuncies id mihi.

A. Nunquam esset finis, adeo frequens est nomen in meis commentariolis.

B. Saltem fac me certiores, quum peccaverit denuo, tum dicam patri, cujus verba timet magis quàm verbera.

A. Istud non est parvum argumentum bonis indolus.

B. Ita spero, quidem; facies igitur quod rogo?

A. Ego verò ac lobens.

\*\*\*\*\*

#### COLL. XXIV.

A. Emistine scalpellum ut volebas nuper?

B. Non emi.

A. Quid obtulit? nam dixeras mihi te empturum hodie.

B. Dixeram quidem, sed postea venit mihi in mentem, præstare ut expectem mercatum futurum proximè in hac ipsa urbe.

A. Quid lucri facias inde?

B. Et emam minoris, et melioris notæ, nempe, ex officinis Germaniæ.

A. Quis dedit tibi istud consilium?

B. Noster Hieronymus.

A. Fecit bene, nam debemus dare bonam consilium semper amicis.

B. Tantùmne amicis igitur?

A. Imò et inimicis fateor, quia Christus, noster optimus præceptor, jubet sic.

B. Utinam conservemus ejus doctrinam bene infixam memorice, ac sequamur eam perpetuo.

A. Ille spiritus bonus faxit, cujus unius instinctu animi nostri accenduntur ad agendum bene.

B. Precari bene.

## COLL. XXV.

A. Præceptor, visne dare præmiolum ?

B. Quamobrem ?

A. Causâ victarior.

B. Ubi sunt tui compares ?

A. Hic sunt Hugo et Audax.

B. Hues nomenclator ! suntne hi victores hâc hebdomade ?

A. Habent paucissimus datas oranium.

B. Ergo sunt victores ; quid aliud quero ex te ?

Quod præmium petitis igitur ?

A. Quod placuerit tibi.

B. Quo jure debeo ?

A. Ex promisso.

B. Dicitis æquum ; nam quicquid est rectè promissum, debet præstari.

A. Sic didicimus ex te.

B. Ecce vobis pennæ singulæ ad scribendum, æne putetis esse vulgares ; sunt ex earum genere, quæ appellantur vulgò Hollandicæ.

A. Agimus tibi gratias, præceptor.

B. Quin potiùs agite gratias Deo, auctori omnium bonorum, qui dat prosperos successus studiis vestris ; vos autem pergite diligenter in studio literarum.

A. Dabimus operam, quantum Deus juvabit nos.

B. Omnia nostra sunt vana sine ejus ope.

\*\*\*\*\*

## COLL. XXVI.

A. Quando es profecturus domum ?

B. Eras, Deo juvante.

A. Quis jussit ?



B. Pater.

A. Sed quando iussit ?

B. Scripsit ad me superiore hebdomade.

A. Quo die accepisti literas ?

B. Die Veneris.

A. Quid literæ continebant præterea ?

B. Omnes rectè valere; et initium vindemiæ fore proximâ hebdomade.

A. O fortunatum puerum qui properas vindemiatum ?

B. Vis dicam patri meo, ut accersat te ?

A. Quàm acceptum faceres mihi !

B. Sed vereor ne velit.


A. Imò, gaudebit, tum propter nostram conjunctionem, tum quòd colloquendo Latinè exercēbimus nos, et conferemus unâ interdum de studio.

B. Oh ! exilio gaudio.

A. Amabò te cura id, mi animule.

B. Senties ; interim precemur Deum, ut veritas nostra facta et consilia in gloriam sui nominis.

A. Mones bene, et certe expedit facere ita.



### COLL. XXVII.

A. Habesne duas aut tres pennas ?

B. Habeo tantùm duas.

A. Da commodatò mihi unam.

B. Non faciam.

A. Cur non ?

B. Ne abutaris.

A. Memento, fortassè, aliquando rogabis me aliquid frustrà.

B. Atqui Christus jubet nos compensare malum bono.

- A. Nondum didici illud.  
 B. Sed oportet te discere, si cupis esse discipulus Christi.  
 A. Quid cupio magis?  
 B. Disce igitur imitari magistrum.  
 A. Discam processu temporis.  
 B. Præstaret incipere nunc.  
 A. Urges me, nimis, nondum complevi octavam annum, ut mater sit.  
 B. Est semper tempus agendi bene; sed interim ne succenseas mihi, quæso, jocabar enim, ut invitarem te ad colloquendum tantisper dum sumus otiosi, ecce penna tibi, eaque non omnino pessima.  
 A. Reddam tibi statim cum descripsero aliquid.  
 B. Ne reddas.  
 A. Quid faciam igitur?  
 B. Quicquid voles, nam datur tibi dono à me.  
 A. Habeo tibi maximas gratias.

COLL. XXVIII.

- A. Unde redis tam anhelus?  
 B. A foro.  
 A. Quid affers illinc?  
 B. Scalpellum.  
 A. Quanti emisti?  
 B. Duobus assibus.  
 A. Estne bonum?  
 B. Est à Germinia, ut mercator dixit, vide notam.  
 A. Ego miminè novi, sed non facias prudenter saltis qui scis cuilibet mercatori.  
 B. Quid facerem?  
 A. Debuisti adhibere aliquem peritum, qui deligeret optimum tibi.

B. Hic erravi fateam. sed hoc consolator me.  
quod mercator habetur bonus vir, utpote evangeli-  
cæ professionis.

A. Quasi sint nulli fallaces ejusmodi.

B. Puto esse plurimos. Sed omittamus hæc, et  
experiamur potius sculpellum.

A. Experientia docebit nos.

B. Accipe et tenta, obsecro; nam non probavi  
nisi levissimè, idque inter emendum.

A. Papæ! quis docuit te eligere tam prudenter?

B. Rogas? non meministi præceptorem dicere  
nobis tam sæpe, esse Deum solum qui docet bona?

A. Profectò docuit te optimè hic.

B. Ago illi gratias ex animo: et precor ut do-  
cet me parere suæ voluntati semper.

A. Ego quoque precor idem; nec solum nobis,  
sed omnibus piis.

B. Facis ut decet pium puerum.

A. Sed estne tempus ut conferamus nos in audi-  
torium?

B. Sic est, sume libros, et eamus unà.



### COLL. XXIX.

A. Commoda mihi Virgilium in duos dies, si  
potest fieri, nullo incommodo tuo.

B. Profectò non possum.

A. Cur non?

B. Quia Gerardus qui accepit commodatò nu-  
per à me opposuit pignori?

A. Ain' tu pignori?

B. Sic est ut dico.

A. Quanti oppignoravit?

B. Tribus assibus, ut ait.

A. O ingratum hominem !

B. Tantumne ingratum ?

A. Imò verò, et ingratum et malum. Sed potuitne et malum. Sed potuitne oppignorare rem tuam, te inconsulto ?

B. Potuit, ut vides factum.

A. Tamen non debuit.

B. Tetigisti rem acu ; sed quid facerem ?

A. Rogas ! defer eum ad præceptorem.

B. Malo pati istam injuriam, quam committere ut miser vapulet.

A. Facis bene, dummodo reddat tuum.

B. Reddet, spero.

A. Unde redderet ?

B. Ait se accepturum pecuniam à patre brevi.

A. Quid si fallat te ?

B. Potest fieri, sed tamen expectabo aliquot dies quid sit futurum, ac deinde capiam consilium.

A. Nihil est tutius recto consilio.

B. Meministi probè, nam sic præceptor dictavit nobis ; sed nunquid vis aliud ?

A. Ut sit bene tibi.

B. Et optimè tibi.

### COLL. XXX.

A. Qnis novus deauratus liber est iste, quem ostentas tam magnifice ?

B. Terentius.

A. Ubi fuit impressus ?

B. Lutetiae.

A. Quis dedit eum tibi.

B. Emi meà pecunia.

A. Unde nactus es pecuniam ?

B. Quæris istud stultè, quasi ego furatus sim.

A. Absit a me cogitare istud. Sed rogabam animi causâ.

B. Nec ego reprehendi dictum tuum seriò ; sed solemus jocari eo modo cum familiaribus.

A. Nihil prohibet jocari, modò Deus ne offenda-  
tur. Sed age revertamur ad propositum ; de quo  
emisti istum Terentium ?

B. De Clemente ?

A. Illone circumforaneo bibliopola.

B. Maximè.

A. Quanti constitit ?

B. Decem assibus.

A. Nihilne ampliùs ?


B. Nihil omnino ?

A. Profectò pretium est vile fati, præsertim cum  
sit auratus, et adeò eleganter compactus ; erantne  
alii codices similes ?

B. Duo, vel tres.

A. Deduc me quæso, ad illum.

B. Eamus.



### COLL. XXXI.

A. Nonne est hic liber tuus ?

B. Ostende mihi.

A. Agnosco meum ; ubi invenisti ?

B. In scholâ.

A. Ago tibi gratias quod collegeris enim.

B. Atque nunc esses notandus, si vellem agere  
tecum summo jure.

A. Quid ita ?

B. Nescis nostras scholasticas leges ?

A. Ipsæ leges cupiunt regi jure.

B. Quo jure nostræ leges reguntur ?

A. Æquitate et præceptoris arbitrio, qui condidit eas nobis privatim.

Præterea, non solet esse tam severus in eo quod peccatum est negligentia, vel oblivione.

B. Ego expertus sum sæpius sic ; sed quoquomodo peccaveris, causa dicenda erit coram observatore.

A. Non timeo dicere causam ubi est nihil periculi.

B. Taceo.

A. Sed, quæso, quid opus est ut monitor sciat id ? nam Deus non offensus est hic.

B. Age, celabo.

A. Facies bene.

B. Sed heus, memento referre par pari.

A. Meminero.



### COLL. XXXII.

A. Quando repetes scholam ?

B. Nescio.

A. Cur non admones patrem de eâ re ?

B. Quid putas me curare ?

A. Parum admodum, ut credo.

B. Profectò dicis verum.

A. Est signi satis te non amare literas.

B. Scio legere, scribere, loqui Latinè mediocriter, quid opus est mihi tantâ scientiâ ? scio plura quàm tres papistici sacerdotes.

A. O miserum adolescentem ! ficcine contemnis rem inæstimabilem ?

B. Unde videor miser tibi ?

A. Amice ! feci tibi nullam injuriam ; nam quod dixi tibi non est convitium, ne tu accipias in malam partem ; sed misereor tui quòd contemnis id quod parit felicitatem.

B. Lucrum, divitiæ, et voluptas, pariunt felicitatem.

A. Imò ista fuerunt exitio multis, tamen divitiæ sunt donum Dei, nec nocent nisi iis qui abutuntur. Verùm est nulla possessio pretiosior quàm virtus et cognitio honestarum rerum.

B. Vis concionari igitur, ut video.

A. Utinam audivisses divinas conciones diligenter.

B. Hem obtundis me nunquid vis ?

A. Ut Deus det tibi bonam mentem.

B. Fortasse est tibi magis opus eâ quàm mihi.

A. Vale.



### COLL. XXXIII.

A. Miror quid tibi velis, tu es semper ferè otiosus, aut garris aut ineptis.

B. Quid vis faciam ?

A. Stude diligenter.

B. Cur mones me istud ?

A. Pro meo amore in te, tuâque utilitate.

B. Mones frustrâ.

A. Quid ita.

B. Quia animus non est in literis.

A. Quid velles ergo ?

B. Dicere aliquam artem aptam ingenio meo.

A. Jamne cogitâsti quænam ars placeat tibi potissimum ?

B. Jampridem.

A. Cur ergo non admones patrem !

B. Nunquam ausus sum.

A. Cur non ?

B. Vereor ne irascatur mihi.

A. Roga præceptorem ut dicat illi.

B. Imò oro te, dic præceptori meis verbis, nam verecundia prohibet me :

Facies quod rogo ?

A. Faciam certè, idque libentissimè ; nam tædet me valde videre te adeò remissum.

B. O quàm gratum feceris mihi !

A. Sed præceptor vocabit te.

B. Quid tum ? occasio oblata reddet me audacem ad aperiendam meam mentem liberè.

A. Judicas rectè.

B. Fac tu igitur, memineris tui promissi, deinde renuncia quid ille responderit.

A. Alioqui effem inutilis nuncius tibi.



#### COLL: XXXIV.

A. Euge, audiivi sororem tuam nupsisse.

B. Audisti verum.

A. Quis est maritus ejus ?

B. Quidam civis Lugdunensis, progenitus honestit parentibus.

A. Estne dives ?

B. Sic habetur, sed tamen meus pater facit hæc longe pluris : Primum, quod sit bene moratus adolescens ; deinde, quòd sit non solum doctissimus,



sed etiam amantissimus bonarum literarum ; denique, quòd sit verus cultor Dei, et summus observator Christianæ religionis.

A. Narras mihi egregios titulos adolescentis. O felicem sororem ?

B. Dixeris felicem sanè, haud abs re, siquidem sic agnoscat illud bonum perpetuò - ut meminerit semper profectum esse ex bonitate Dei, atque ob id agat ei immortales gratias.


A. Credo facturam illud.

B. Ita spero quidem, sic enim instituta est à parentibus in Christianà doctrinâ.

A. Sed jam domestica negotia revocant me alio, ergo vale.

B. Vale tu quoquè, sed memento dicere salutem plurimam meis tuis omnibus, præcipué patri matrique, et ipsi novæ nuptæ, et dicito gratulari illi faustum hoc conjugium.

A. Faciam, et quidem libentissimè.



## COLL. XXXV.

A. Quot annos natus es ?

B. Tredecim, ut accepi á matre. Quot annos natus es tu ?

A. Non tot.

B. Quot igitur ?

A. Duodecim.

B. Sed quotum annum agit frater ?

A. Octavum.

B. Quid ais ? liquitur Latinè.

A. Quid miraris ? habemus semper domi pædagogum et doctum et diligentem, qui docet nos sem-

per loqui Latine, effert nihil Anglicum, nisi causâ declarandi aliquid; quin etiam non audemus alloqui patrem nisi Latine.

B. Nunquam loquimini igitur Anglice?

A. Solum cum matre, idque certâ quâdam horâ cum illa jubet nos vocari ad se.

B. Quid agitis cum familiâ?

A. Loquimur raró cum familiâ, et quidem tantum in transitu, et tamen famuli ipsi alloquuntur nos Latine.

B. Quid ancillæ?

A. Si quando usus postulat ut alloquamur eas, utimur sermone Anglicano, ut solemus facere cum matre.

B. O vos felices, qui docemini tam diligenter!

A. Est gratia Deo, cujus dono habemus patrem qui curat nos exudiendos tam accuratè.

B. Certè laus et honor ejus rei debetur cœlesti patri unico.

A. Sed quid agimus? Jam audio catalogum recitari.

B. Festinemus igitur.



### COLL. XXXVI.

A. Venitne pater ad mercatum?

B. Convenit me hodie mané cum surgerem è lecto.

A. Petiisti nihil ab eo?

B. Imó pecuniam.

A. Et dedit tibi?

B. In præsentia.

A. Quantùm obsecro ?

B. Viginti asses.

A. Papæ ! viginti asses, qui fit ut audeat committere tantum pecuniæ tibi ?

B. Quia novit me esse frugi dispensatorem siquidem semper reddo illi rationem usque ad teruncium.

A. Sed impetravisti ægré fortasse ?

B. Imó facillimé, atque cum gratiâ.

A. O mitem parentem !

B. Certè mitissimum.

A. Sed ut redeamus ad rem, quid facies istâ pecuniâ.

B. Emam libros, et alia necessaria mihi.

A. Potestne dare mutuó mihi aliquid ?

B. Possum modó eges.

A. Nisi egerem, non peterem.

B. Quantùm vis accipere à me.

A. Quinque asses.

B. Accipe.

A. O verum amicum !

B. Non est verus amicus qui non juvat amicum in tempore, si habet unde juvet.

A. Certus amicus, ut est in proverbio, cernitur in incerta re.

B. Quando reddes mutuum ?

A. Ubi primùm pater venerit in hanc urbem.

B. Quando speres venturum ?

A. In mercatu proximo, nempe, ad octavum diem Octobris.

## COLL. XXXVII.

A. Nescis vetitum esse loqui submissè inter nos ?

B. Quidni scirem, cùm præceptor inculcat nobis causas ejus rei tam sæpe ?

A. Cur igitur faciebas contrà modo ?

B. Quia Isaacus cœperat alloqui me.

A. Quid tum ? debuisti admonere illum, non imitari.

B. Debui, sed tunc non venit mihi in mentem.

A. Sed interim es notandus.

B. Minimè verò, nisi vis esse severior præceptore.

A. Dic mihi causam.

B. Quia præceptor vetat quempiam notari, qui sponte agnoverit delictum, modò ne sit tale factum quod interdictum sit verbo Dei.

A. Nonne præceptum est à Deo ut obediamus parentibus ?

B. Illud est quîutum præceptum decalogi.

A. Atqui, ut habemus in catechismo, istud præceptum patet latiùs ; nam sub nomine parentum complectitur præceptores, magistratus, et denique omnes quibus Deus subjecit nos.

B. Equidem non nego esse vera quæ narras, sed malo consulere præceptorem, quàm disputare tecum, alioquin induceres me in majus malum, quod est vitium contentionis, multò magis vetitum à præceptore.

A. Dicis æquum, memineris igitur admonere præceptorem.

B. Ne putes me obliturum, præsertim cùm meæ res agatur.

## COLL. XXXVIII.

A. Heus puer !

B. Hem præceptor, quid vis ?

A. Pone libros, studuisti satius toto die ; para te, ut camus ambulatum.

B. Nonne præstaret à cœna ?

A. Exercitatio corporis est salubrior ante cibum. Narra dictum Socratis in eam sententiam.

B. Cùm Socrates ambularet contentiùs usque ad vesperem, interrogatus quare faceret id, respondit, se obsonare, famem ambulando quò cœnaret meliùs.

A. Meministi probè, quis est auctor ?

B. Cicero ; sed quo prodibimus, præceptor ?

A. Extra urbem.

B. Mutabone calceos ?

A. Muta, ne conspergas istos novos pulvere ; fume etiam umbellam, ne ardor solis infuscet faciem tibi.

B. Adsum paratus jam.

A. Nunc sanè prodeamus.

B. Vocabone unum comitum aut alterum ex viciniâ ?

A. Admones rectè sic enim deambulatio erit jucundior, nam conferetis sermones, inter vos per viam, et coliudetis alicubi sub umbrâ.

B. Sic etiam appetentia cibi excitabitur.

A. Ego præcedam lento gradu ; ubi nactus eris comites, vos sequimini me per ripariam portam.

B. Expectabis nos illic igitur ?

A. Certò.

B. Quid si invenero nullos comites ?

A. Nihilominus sequere me ; audistine ?

B. Audiui, præceptor.

## COLL. XXXIX.

- A. Cur abfuiſti hodie mane ?  
B. Eram occupatus.  
A. In quo negotio ?  
B. In ſcribendis literis ad matrem.  
A. Quid opus erat ſcribere illi ?  
B. Quia ſcripſerat ad me.  
A. Reſcripſiſti ergo ?  
B. Loqueris proprie.  
A. Unde miſiſti tibi literas ?  
B. Rure, nempe, ex villâ noſtra.  
A. Quando profecta eſt rus ?  
B. Superiore hebdomade.  
A. Quid agit ruri ?  
B. Curat noſtra ruſtica negotia.  
A. Quid potiſſimùm ?  
B. Præparat ea quæ ſunt opus ad proximam vindemiam.  
A. Agit prudenter.  
B. Quomodo probabis iſtud !  
A. Nam in omnibus rebus præparatio diligens eſt adhibenda.  
B. Quis docuit te iſtud ?  
A. quidam pædagogus dictavit é Cicerone.  
B. Quâ occaſione ?  
A. Cùm admoneret me, ut pararem me diligenter ad reddendum penſum poſtero die.  
B. Profecto admonebat recte.  
A. Sed revertamur ad propoſitum ; non habetis villicum ad curanda veſtra ruſtica negotia ?  
B. Imo, habemus et villicum, et famulos, et ancillas.  
A. Quid opus eſt igitur operâ tuæ matris ?

B. Quod novit melius providere omnibus rebus quàm isti imperiti ruricolæ.

A. Nihilne amplius ?

B. Sine me finire propositum.

A. Putabam te absolvisse.

B. Etiam, ut audivi ex patre, præcipua cura domini requiritur in administrandè re familiari.

A. Ergo tuus pater deberet esse potiùs ad villam.

B. Non potest.

A. Quid prohibet ?

B. Quia est totus occupatus in suà artè.

A. Caput majorem fructum ex eà re, ut opinor.

B. Quis dubitat ?

A. Inde sit ut relinquat curam domesticæ uxori.

B. Est omnino sic.


A. Sed quando mater revertetur ?

B. Vix ante vindemiam perfectam.

A. Nonne tu ibis vindemiatam ?

B. Accersar brevè matre, ut spero. Sed, quæso te, quid cogitamus ? Jam omnes currunt in scholam.

A. Bene res est, curramus et nos, ne simus postremi.



#### COLL. XL.

A. Atat ! ecce nunc estis capti, non fatemini ?

B. Certè fatemur ingenuè, sed non dicebamus mala verba ; quæso te, mi condiscipule, noli notare nos.

• A. Quid garriebatis ? audivi nescio quid de jentaculo.

B. Illud est, loquebamur de jentaculo ; quia famulus non dedit nobis in tempore.

A. Puto id fuisse, nec certà est valde magnum malum, nisi quòd sunt otiosa verba.

B. Sed loquebamur Latinè.

A. Audivi, sed non erat tempus fabulandi ; nam ut scitis, hoc pusillum temporis à merendà debet esse valde pretiosum vobis, quum sit dicatum studio ; scilicet ut quisque præparet se ad reddenda ea præceptoribus quæ præscripserint. Nonne dico verum ?

B. Certè dicis verum, debuissimus legere simul de testamento, quæ oportebit redde mox ; sed ignosce quæso, suavissime condiscipule, erimus posthac prudentiores, et faciemus nostrum officium diligentius.

A. Si feceritis sic, præceptor amibit vos ; nonne videtis quemadmodum diligit bonos pueros et studiosos ? nec diligit solùm, sed laudat et remuneratur.

B. Scimus ista et experimur quotidie.

A. Mementotè ergo, et facite promissa.

B. Tacebis hanc culpam igitur ?

A. Tacebo, sed eâ lege, ut caveatis recidere.

B. Cavebimus, Christo favente.



### COLL. XLI.

A. Quid mater dedit tibi in merendam ?

B. Vide.

A. Est caro, sed quænam ?

B. Bubula.

A. Utrùm est recens, an salita ?

B. Est bubula salita.



A. Utrū est pinguis, an macra ?

B. Eho inepte, nonne vides esse macram !

A. Annon malles esse vitulinam, aut vervecinam ?

B. Utraque est bona, sed prae ceteris haedina placet mihi, praesertim assa.

A. Haec delicatule, habesne tam doctum palatum ?

B. Dico ut sentio, non enim est mentiendum.

A. Mendacia abstin a nobis, nam sumus filii Dei, et fratres Christi, qui est veritas ipsa, ut ipse, loquens de se, testatur.

B. Sed ad rem, amo suillam aspersam modico sale, et bene costam.

A. O mirificam gratiam Dei ! qui dat nobis tot generum opsoniorum, et tam bona.

B. Quot pauperes putas esse in hac urbe, qui victitant hordeaceo pane solo, neque tamen ad saturitatem ?

A. Non dubito esse multos, praesertim tantam caritate annonae.

B. Itaque quantas gratias debamus agere Deo, in tantam copiam bonarum rerum ?

A. Magnifice praedicemus ejus beneficia igitur, atque interim precemur ut miseratur inopiae suorum pauperum.

B. Utinam ipse afficiat corda nostra suo spiritu penitus ad eam rem.

A. Ita precor.



# COLL. XLII.

A. Quid rides ?

B. Nescio.

A. Nescis ? est magnum signum stultitiæ.

B. Vocas me stultum igitur ?

A. Minime verò, sed dico tibi esse argumentum stultitiæ, cùm quis ridet, et nescit causam ridendi.

B. Quid est stultitia ?

A. Si evolvas Catonem diligenter, invenies istud quod quæris.

B. Nunc non habeo Catonem meum, et volo agere aliam rem.

A. Quod negotium habes ?

B. Habeo aliquid de rudimentis ediscendum.

A. Interim quæris fabulari, ineptule ?

B. Dic mihi, quæso, de stultitiâ in Catone.

A. Est summa prudentia simulare stultitiam apto loco : an non didicisti hoc ?

B. Imò, sed non recordabar.

A. Quum eris domi, inspice librum tuum.

B. O quantas gratias ago tibi ? ego proponam istam quæstionem alicui, qui non poterit respondere mihi et sic erit victus.

A. Tace, puer, tace, et studeto ne vapules.

B. Non multum curo, ego teneo prælectionem ferè.

A. Nisi taceas, dicam observatori, qui notabit te statim.

B. Mane, mane, dicam nihil amplius.

A. Sed memento id quod dixi tibi.

B. Quidnam est ?

A. Ne rideas unquam sine causâ.

B. Sed non est malum ridere ?

A. Non dico istud.

B. Quid igitur ?

A. Est stultum ridere sine causâ.

B. Nunc intelligo.

A. Recordare sæpe.



COLL. XLIII.

A. Scribis seriò an ineptis ?

B. Equidem scribo seriò, nam cur abuterer meo tempore ? sed cur rogas istud ?

A. Quia vidi aliquando cùm scriberes meliùs.

B. Scribo interdum meliùs.

A. Quì fit igitur, ut scribas nunc tam malé ?

B. Adjumenta scribendi benè defunt mihi.

A. Quænam ?

B. Bona charta, bonum atramentum, et bona penna ; nam hæc charta, ut vides, perfluit miseré, atramentum est aquosum et subalbidum, penna molis, et male parata.

A. Cur non providisti, omnia ista mature ?

B. Pecunia defuit mihi, et etiam nunc deest.

A. Incidisti in istud vulgare proverbium, omnia defunt illi cui pecunia deest.

B. Sic agitur mecum.

A. Sed quando speras te accepturum ?

B. Meus pater, mittet ad me, aut ipse veniet in proximo mercatu.

A. Ego volo juvare te interea.

B. Si quidem potes id, affeceris me magno beneficio.

A. Accipe hos sex asses ad emendam chartam, et alia necessaria.

B. Quam veré illud dictum est, amicus certus venit in incertâ re ? sed quid impellit te ut facias tam benigné mihi ultro ?

A. Illa charitas Dei, quæ, ut Paulus ait effusa, est in nostris cordibus.

B. Vis divini spiritûs est mira, qui est auctor ejus charitatis; sed interim cogitandum est mihi, quomodo referam tibi gratiam.

A. Est parva res, omitte istam cogitationem, tantum redde mutuum, quum erit commodum tibi.

B. Reddam, ut spero, propediem.

A. Eamus ad precationem, ne notemur.

B. Adde unum si placet.

A. Quid est?

B. Ne mittamur incœnati cubitum hodie.

A. Ha, ha, he.



#### COLL. XLIV.

A. Quotâ hora surrexisti hodie?

B. Paulô ante quintam.

A. Quis expergefecit te.

B. Nemo.

A. An cæteri surrexerunt?

B. Nondum.

A. Non ivisti excitatum illos?

B. Non ivi.

A. Quamobrem?

B. Nescio, nisi quia non putabam illud pertinere ad me.

A. Annon illi excitant te interdum?

B. Imò sæpissime.

A. Debuiisti igitur fecisse simile.

B. Debui fateor.

A. Memento, igitur ut facias posthac.

B. Meminero, Deo juvante.

A. Sed quid fecisti ex quo surrexisti é lecto ?

B. Primum pracatus sum cœlestem patrem, flexis genibus, in nomine filii ejus nostri Domini Jesu Christi.

A. Bene factum, quid postea ?

B. Deinde ornavi me, et curavi meum corpus mediocriter, ut decet Christianum ; postremó, contuli me ad quotidiana studia.

A. Si pergas sic facere, ne dubites quin Deus adjuvet tua studia.

B. Juvit me semper adhuc pro ejus benignitate, nec derelinquet me ut spero.

A. Loqueris recte, non frustrabit tuam spem.

B. Superiore anno didici in Catone : Retine spem, spes una nec relinquit hominem morte.

A. Fecisti bene quòd retinueris, nam est egregia sententia, et digna Christiano.

B. Atqui auctor ejus libri non fuit Christianus.

A. Non fuit, est certa res.

B. Unde igitur sumpsit tot egregias sententias ?

A. Maximè ex ethnicis philosophis ; nam et ipsi illuminati divino spiritu dixerunt plurima quæ sunt consentanea verbo Dei, quod tu quoquè potes videre aliquando, si proseguare studium literarum.

B. Ego proseguar, ut spero, dammodo Deus det patri longiorem vitam.

A. Precare diligenter et ex animo, ut illud contingat.

B. Precor id quotidie sæpe.

A. Dominus Deus det tibi perseverantiam in omni bono opere.

B. Precor tibi idem quod optas mihi, et ago gratias, quod monueris me tam fraternè.

## COLL. XLV.

A. Salve, condicipule.

B. Sis tu salvus quoquè.

A. Quota hora est ?

B. Audies quintam mox.

A. Bene habet, aderimus maturè fatis.

B. Gaudeo me occurrissè tibi, ut colloquamur euntes, Latine, tantisper.

A. Sane ea est utilis et jucunda exercitatio.

B. Quoties incido in aliquem ex istis dissolutis nebulonibus, mallem offendissè rhediarum, nam non licet mihi per eos cogitare aliquid in viâ.

A. Nil mirum, nam fere sunt ejusmodi, ut neque velint loqui quidpiam, boni, neque sustineant audire.

B. Quid agas cum illis qui curant nihil, nisi ut expleant suas libidines ?

A. Crepant nihil aliud nisi suas cupedias et com-  
porationes in privatis cauponulis.

B. Irrident nos etiam plenis buccis, quod loquimur Latine per vicos ; sed illud est pessimum omnium, quòd nunquam patiuntur se admoneri.

A. Quia, scilicet, ut propheta ait, timor Dei non est ante oculos eorum.

B. Si acceperis commonère quid amice, audies statim. Tace, concionator, obtundis me ; quòd si dixeris, deferam te ad præceptorem ; aut ad observatorem ; O segne curo inquit ? tu non audes, nam si accusares me non ferres impune.

A. Imò verberabunt te continuo, si locus sit remotus ab arbitris.

B. Profectò cum quidam eorum offendisset me nuper in quodam recessu, impexit mihi duos ingen-

tes colaphos in utramque malam, et aufugit continuò.

A. Quid tu faciebas interea quæso?

B. Quid quæris? istud fuit adeò subitum, ut vix potuerim aspicere hominem.

A. Sed quì pervenimus ad scholam tam citò, et sensim?

B. Sic solet evenire fere confabulantibus.

A. Age, ingrediamur sine murmure et strepitu, ne offendamus studentes.

COLL. XLVI.

A. Quid ais de scalpello, quod emi tibi nudius tertius, estne bonum?

B. Imò vero, est optimum, sed me miserum! perdidì.

A. Eho! quid ais, quomodo id accidit?

B. Cùm redirem foris excidit mihi in viçò.

A. Unde excidit?

B. E thecà mea quam reliqui imprudenter apertam.

A. Quomodo recuperasti?

B. Affixi chartulam statim januz, post prandium quidam puer sextæ classis retulit mihi.

A. Utinam omnes essent tam fideles, qui reperiunt amissas res.

B. Profectò sunt pauci qui restituent, si sit res alicujus pretii.

A. Et tamen id præcipitur nominatim verbo Dei.

B. Quidni? nam est species furti, si quis retineat alienam rem inventam, modò, sciat cui sit reddenda.

A. At plerique putant se possidere jure, quicquid inveniunt amissum.

B. Illi errant quidem gravissime.

A. Verum, ut redeamus ad sermonem inceptum, quid dedisti puero qui invenit scalpellum tuum?

B. Dedi sextantem, et aliquot juglandes, laudavi eum præterea et admonui facere idem semper.

A. Fecisti recte, enim sic reddet libentius alias, si quid reperit; sed quid si perdidisses?

B. Tulissem æquo animo, et emissem mihi aliud.

A. Tulisses ita æquo animo?

B. Certe non sine aliqua molestia.

A. Non æquo animo igitur; sed nolo urgere te arctius.

B. Non sumus theologi.

A. Quid ergo?

B. Grammaticuli.

A. Et imperiti quidem.

B. Debemus precari Deum, tanto diligentius, ut liberet nos per evangelium ab tenebris ignorantiae.

A. Faciemus id verò, si pareamus sanctis admonitionibus quas audimus quotidie à præceptore, ut sæpe à concionatoribus, ministris divini verbi.

B. Vide quantum amissio mei scalpelli profuerit nobis.

A. Gratulor tibi dupliciter, ob eam rem, primum quòd emerim recte tibi, deinde quòd recuperavi amissum.

B. Habeo tibi gratiam.

---

#### COLL. XLVII.

A. Non videris mihi nimis occupatus.



B. Mediocriter.

A. Quid si facias mihi duas, aut tres pennas ?

B. Sit satis tibi, si faciam unam ; ostende mihi calamos. Profectò, sunt optimi, et ad scribendum aptissimi.

A. Unde nósti istud ?

B. Quia sunt amplo caule, firmo, et nitido ; nam molles, et qui habent caulem breviorum, sunt parum utiles ad scribendum.

A. Gaudeo me emisisse utiliter.

B. Non abs re, sed quanti ?

A. Dedi duos quadrantes pro his tribus.

B. Pretium est vile pro bonitate rei ; de quo emisisti ?

A. De quodam circumferaneo.

B. Mercatores nostri oppidi vendunt multò pluris.

A. Et tamen audent dicere interdum constare sibi plures quam vendunt.

B. Ea est fere consuetudo mercatorum, nam proficiunt nihil, nisi mentiantur admodum, ut Cicero ait.

A. Sed age, ne remorer te diutius, agamus id quod instat.

B. Expediêro citò, aspice me diligenter, ut dicas.

A. Aspicio intentis oculis, sed opus esset mihi longiori spatio.

B. Illud ergo fiet in cubiculo, si velis me invisere.

A. Quo tempore ?

B. Post millionem scholæ, id est, hora nona matutina, vel quarta, pomeridiana. Nunc habes duas pennas recte accommodatas in tuum usum, falior ; servabis hanc tertiam tibi in aliud tempus.

A. Accipe tibi, si placet.


B. Quin serva tibi; multæ adferuntur mihi domo.

A. Ago tibi gratias, vale.

B. Sed heus, ne parcas meo labori.

A. Tu quoque utere me et meis rebus vicissim, si quod opus fuerit.

B. Vale, et dic salutem patri et universæ familiæ, meo nomine.



## COLL. XLVIII.

A. Quid es tristis?

B. Ægroto.

A. Quid morbi est?

B. Nescio.

A. Sed tamen estne gravis?

B. Non admodum, gratia Deo.

A. Quidnam dolet tibi?

B. Caput.

A. Quid, totumne caput?

B. Non, certe.

A. Quæ pars igitur?

B. Sinciput, quid faciam?

A. Quiesce, et mox eris sanus; nam sic adivi ex matre, esse nullum remedium præsentius doloribus capitis quàm quietem.

B. Atqui sunt varii morbi capitis.

A. Et varia remedia fortasse; sed quid est facilius quàm tentare id quod dixi tibi?

B. Non nocebit quidem experiri, ut spero.

A. Sed ubi quiescam?

B. Domi vestræ, in lecto.

A. Mater non finet.

B. Imò, si dixeris te agrotare.

A. Atqui putabit me simulare.

B. Potest fieri, sed quid dubitas facere periculum ?

A. Das mihi bonum consilium.

B. Utere, si vis.

A. Faciam profectò ; sed unum restat.

B. Quid est ?

A. Venia impetranda est à præceptore.

B. Adi et pete.

A. Quid si nolit dare ?

B. Imò, facillimè.

A. Qui scis istud ?

B. Quia credit facilè, nisi iis qui fefellerunt eum aliquoties.

A. Nunquam fefelli eum sciens.

B. Ito igitur confidenter.

A. Nunc eo.

B. Sed heus, meditare quid sis dicturus, ne forte hæreas loquendo.

A. Mones bene, non accedam imparatus.

---

### COLL. XLIX.

A. Ades mihi optatus, quærebam aliquem qui vellet certare mecum, sed omnes currunt ad lufum ; sed quid ais ?

B. Quid ego malim quàm contendere pacifice tecum de nostris studiis ? sed quid argumentum petis certandi ? visne repetere Tulli epistolas ?

A. Malo repetere aliquot carmina ex Catone.

B. Quamobrem ?

A. Quia aliquot prælectiones restant ediscendæ

mihi de Catone, nam scis me ægrotasse ferè duas hebdomadas.

B. Memini; vis igitur ut dicamus secundum librum moralium distichorum?

A. Est nimis longus in hanc horam.

B. Quid ita?

A. Quia ludendum est nobis aliquandiu, ut exerceamus corpus ad conservandam valetudinem.

B. Repetamus igitur tertium librum, quia est brevissimus.

A. Sed volo judicem.

B. Solomon est præstò, qui sequitur me ob eam rem.

A. Vln' tu, Solomòn, audire nos?

B. Quid estis dicturi?

A. Tertium librum moralium distichorum.

B. Noane dicetis alterni?

A. Scilicet, uterque suam distichum.

B. Sed, pueri, ne erretis, nolo audire vos tanquam iudex.

A. Cur non?

B. Ne fortasse alteruter amicorum offendatur meâ sententiâ.

A. In quo eris adiutor nobis igitur?

B. Notabo diligenter lapsus utriusque, in charulâ deinde referetis ad præceptorem.

A. Quid fiet postea?

B. Adjudicabit et victoriam, et præmium utri videbitur.

A. Eris igitur tantum testis nobis.

B. Sic intelligo.

A. Videtur mihi sanè optima ratio.

B. Atque ita videtur mihi.

A. Sed unum restat?

B. Quid est?

A. Vultis præter manifestos lapsus, hæsitaciones quoquè notari ?

B. Sic præceptoris leges de hâc re volunt.

A. Date mihi librâ in manum, ut possim observare certius.

B. Tene meum.

A. Incipiamus ?

B. Æquum est, quia tu provocatus es à me.

A. Audi quæso, Solomon, sed diligenter.

B. Cave ne dicas negligenter.



### COLL. L.

A. Gratulor tibi reditum ; quando rediisti rure ?

B. Heri post meridiem.

A. Rediitne mater ?

B. Quemadmodum illa duxit me secum, ita reduxit.

A. Nonne venit in equo ?

B. Imò, et solutario.

A. Venisti et tu in equo ?

B. Eram illi à pedibus.

A. Non fuit labor itineris molestus tibi ?

B. Fuit nulla via difficilis mihi, reditio in urbem erat adeò jocundi ; quid quæris ? Noluisssem venire equo.

A. Quantum distat vestra villa hinc ?

B. Quatuor mellianis, iisque non admodum longis.

A. Sed jam satis de reditu, nunc agamus aliud.

Fuistine memor tui promissi ? Num rediisti va-  
lius ?

B. Attuli quantum uerum petui.

A. Quantum igitur ?

B. Quasillum.

A. Hui, quasillum ! Tibi uni igitur ?

B. Imò nobis duobus.

A. Quid, tantillum duobus ?

B. Non poteram ferre amplius, pro viribus mei corpusculi ; quòd si essem robustus, asportassem onus asini ; nam mater permittebat facile.

A. Utinam adfuissem.

B. Ego et mater desideravimus te plurimum ; sed esto bone animo, ea reliquit famulum ruri, qui veniet onustus amplissimâ corbe ; tum illa dabit tibi affatim.

A. Aha, nunc loqueris optata.

B. Eamus domum ad nostrum. Videbis nostrum quasillum integrum adhuc, ut spero.

A. O lepidum caput ! cupiebam ire salutatum tuam matrem, charissimam mihi.

B. Profectò feceris gratissimum illi.

A. Eamus igitur.



COLL. LI.

A. Quid cogitas solus hic ?

B. Deploro meam miseriam.

A. Quænam miseria afficit te ?

B. Heu, me miserum ! ecce mutavimus classem, nec est mihi pecunia unde emam libros.

A. An non pater dat tibi ?

B. Dat quidem, sed parcè nimis.

A. Est avarus igitur.

B. Non sequitur.

A. Quid impedit igitur, quò minùs suppeditet tibi pecuniam ?

B. Paupertas ; præterea, cùm peto, miratur opus esse nobis tot libris.

A. Nihil mirum, præsertim quum sit pauper ; sed interim esto bono animo, nec afflictes te quæso.

B. Dabo operam ut pater juvet te, nam largitur pauperibus libenter, præsertim iis quos novit esse studiosos bonarum literarum.

A. O me felicem ; si Deus adjuverit me tuâ operâ

B. Juvabit, ut spero, sed tu precare interim diligenter, ut reddet animum patris bene affectum erga te.

B. Mores rectè, nam ut audiivi sæpe è sacris con-  
tionibus ; est Deus solus qui gubernat ac dirigit  
corda hominum.


A. Ita est.

B. Vale mi Antoni, qui reddidisti mihi animum.

A. Vale tu quoquè Bernarde, sed dic mihi quan-  
tum opus est tibi.

B. Si haberem decem asses, esset abunde in præ-  
sentiâ.

A. Tace ; cras, ut spero, senties divinum auxi-  
lium.



## COLL. LII.

A. Quid agis ?

B. Scribo.

A. Quid scribis ?

B. Describo dictata præceptoris.

A. Quænam ?

B. Hæsterna.

A. Quid, non aderas ?

B. Imò aderam, sed non poteram assequi præceptorem distantem.

A. Quæ res impediēbat te ?

B. Quòd non federem commodè satis.

A. Veneras serius igitur.

B. Istud est.

A. Cedo commentarium tuum, egomet scribam tibi.

B. Quid lucri faciam ?

A. Ego descripsero citiùs quàm tu, post ludemus unà, ut præceptor concessit ; cede librum.

B. Facerem id quidem libenter, sed non audeo.

A. Quid times ?

B. Præceptoris edictum.

A. Quod edictum narras mihi ?

B. Nescis eum vetuisse ne quis scribat alteri sine ejus permissu ?

A. Memini id probè, sed unde sciet hoc ?

B. Rogas ? quum exigerit rationem scripturæ, causa emendandi, tum, ero captus, nam novit manum meam ; præterea, neque fallendum est neque mentiendum.

A. Vetamur utrumque verbo Dei.

B. Quid ergo respondeam præceptori, quum ille negarit me scripisse ista ?

A. Res non evadet eò, ut spero.

B. Nolo subire tantum periculum tuâ spe.

A. Vah ! es nimium timidus.

B. At tu es fortasse audacior.

A. Tu scribe igitur quantum voles, ego conferam me ad ludendum.

B. Abi, quæso, descripsissem jam unam paginam, nisi interpellasses me.

A. At interim, proficimus aliquid, dum fabulamur Latine.



## COLL. LIII.

A. Quotâ horâ expergefactus es hodie?

B. Ante lucem, quotâ horâ nescis.

A. Quis expergefecit te?

B. Hebdomadarius excitator venit cum suâ lanternâ, pulsavit ostium cubiculi duriter, quidam aperuit, excitator accendit nostram lucernam, inclamavit clara voce, omnes experrecti sunt.

A. Narra mihi ordine quid egeris ex illo tempore usque ad finem jentaculi. Vos, pueri, attendite diligenter, ut discatis imitari hunc vestrum condiscipulum.

B. Experrectus sum, surrexi è lecto, indui tunicam cum thorace, sedi in scabello, accepi femoralia et tibialia, indui utraque, calceavi calceos, astrinxi femoralia thoraci ligulis, ligavi tibialia periscelidibus super crura.

Præcinxi me cingulo, pexui caput diligenter, aptavi pileolum capiti, indui togam, deinde egressus cubiculo, descendi infra.

B. Accepi frigidam aquam è situla, lavi manus et faciem, collui os et dentes, deterfi manus et faciem mantili, interea signum datur ad preces tintinnabulo.

A. Convenimus in privatam aulam, precamur una, accipimus jentaculum ordine à famulo, jentamus in triclinio, sedentes quieti sine murmure et strepitu. Admonui eos amice quos audiui garrientes inepte, aut loquentes otiosa verba, aut vidi lascivientes, detuli nomina eorum qui non paruerunt ad monitorem, ut notaret eos.

A. Nemone præerat vobis dum jentaretis?

B. Imo, hypodidascalus.

A. Quid agebat interea?

B. Ille ambulabat per mediam aulam, tenens, librum in manibus, et identidem monens observatorem ut notaret garrientes inepte.

A. Licet igitur emittere nullum verbum tunc?

B. Imo licet, verum ii solent notari, qui confabulantur diu et multis verbis inepte et sine ullo fructu; ceterum licet omnibus tractare jucundos sermones inter se de bonis et honestis rebus, dummodo fiat modestè citra clamorem et contentionem.

A. Hactenus satisfeci mihi: Narrabis cætera à prandio nisi aliquod negotium intervenerit; eamus nunc in aulam ad prandium, ne simus in mora magistro.

B. Audivi signum modo dari.

A. Datum opportune.



#### COLL. LIV.

A. Ubi finiisti narrationem ante prandium?

B. Quum vellum imponere finem jentaculo, tu terpellasti me.

A. Perge igitur narrare reliqua ordine.

B. Dum facimus finem jentandi, posterius publicum signum datur, quisque fumat libros, imus in communem aulam, catalogi singularum classium recitantur ex more, qui adsunt respondent ad nomina.

Ego quoque respondeo; absentes notantur in catalogis ab nomenclatoribus; recitatione catalogorum finita, ludimagister ascendit pulpitem ut precetur, jubet nos esse attentos, ac tum precatur publice.

Ubi precatus est, inquit, recipite vos quisque in suum auditorium. Omnes conveniunt, ego item venio cum meis condiscipulis.

Sedeo in meo loco; præceptor ingreditur, Inquirat de absentibus, deinde sedet in cathedra, et jubet scriptum auctoris pronunciari.

Pronunciamus alterni clara voce, ut solemus quotidie, tum jubet nos reddere interpretationem, aliquot ex rudioribus legunt, alii reddunt interpretationem, idque memoriter.

Tandem præceptor exigit Anglicam significationem verborum, doctiores respondent, ego quoque, jussus ab eo, respondeo, ille laudat eos qui respondent bene, de quorum numero ego, (quod dictum sit sine jactantia) eram unus.

Postea jubet singulas partes orationis tractari ad grammaticam rationem, postremo, præscribit palam quid sit reddendum à prandio,

Octava hora audita imperat precationem, qua finita, monet ut faciamus officium sedulo, tandem dimittit nos.

Ego spectante, eximus ordine, et sine strepitu, et discedimus læti. Satisfecine tibi, præceptor?

A. Cumulatissime.

B. Placetne tibi ut faciam idem de reliquis actionibus hujus dici sub cœnæ tempus?

A. Erit nihil opus.



#### COLL. LV.

A. Non meministi præceptorem monere nos tam sæpe de fugiendis pravis sodalibus?

B. Ego memini probe.

A. Tamen negligis ejus monita?

B. In quo videor tibi negligere ea?

A. Dicam tibi, modo audias attente.

B. Dic, obsecro, audiam attentissime.

A. Nunquam vis cavere ab illo impostore?

B. Cur caveam?

A. Ne depraveris ejus infectione, nam nosti esse pessimum.

A. Atqui non sequor sponte, accurrit ad me undique.

A. Nimirum, quia novit te habere pecuniam, et dare libenter et saepe.

B. Quid igitur suades mihi facere?

A. Dic semel et serio, et quasi irato animo, Quid vis amice? cur sequeris me ubique? omnes clamitant te esse pessimum, ac nolunt esse tui sodales; proinde mitte me posthac, quaeso, ne cædar virgis palam tua culpa.

B. Quid si velit respondere aliquid?

A. Abrumpe illius sermonem, utque abi celeriter.

B. Ago tibi gratias quod monueris me tam fideliter.



COLL. LVI.

A. Quid egisti per hos quindecim dies?

B. Ministravi matri quæ ægrotabat.

A. Ain' tu?

B. Sic est profecto.

A. Quo morbo laborabat?

B. Tertiana febre.

A. Convaluitne?

B. Convalescit paulatim; gratia Deo.

A. Quis sanavit eam?

B. Summus medicorum.

- A. Quis est ille ?  
B. Deus ipse.  
A. Dubito nihil de hoc, sed cujus opera ?  
B. Domini Sarasini.  
A. Is habetur peritissimus medicinæ.  
B. Ejus egregiæ curationes quotidie probant id.  
A. Quibus remediis usus est in curanda tua matre ?  
B. Medicamentis.  
A. Intelligo illud satis, etiamsi tu taceas ; sed dic mihi plane quæ fuerint ista medicamenta.  
B. Sine me recordari paulisper.  
A. Dic mihi tandem quæ reminisceris.  
B. Duo nomina tantum occurrunt mihi, clysteres et potiones.  
A. Quid conferunt ista ?  
B. Eho inepte, rogas quasi ego sim peritus medicinæ, itaque si cupis scire amplius, quære ipse ab iis potius, qui profitentur ista, hoc est à medicis et pharmacopolis.  
A. Ne succenseas mihi, obsecro.  
B. Cur es tu adeo curiosus ?  
A. Ut ediscam aliquid semper.  
B. At vide interim ne voceris percontator.  
A. Tamen audi pauca.  
B. Loquere.  
A. Quamdiu ægrotavit mater ?  
B. Fere duas hebdomadas.  
A. Interea ubi erat pater ?  
B. Profectus erat Lugdunum ad mercatum.  
A. Sed qua hora rediisti in scholam ?  
B. Hodie mane.  
A. Deditine excusationem præceptori ?  
B. Dedi.  
A. Quid respondit tibi ?

B. Inquit bene factum ; sed ubi fuisti ?

A. Heri ivi rus cum meo patruo.

B. Age, videamus quid simus reddituri secunda hora, nam ego quodammodo sum novus discipulus.

### COLL. LVII.

A. Quid cogitas ? cave tibi obsecro.

B. Quid caveam mihi ?

A. Ne incidas in morbum.

B. Ex qua causa ?

A. Ex intemperantia lusus.

B. Unde apparet periculum ?

A. Quia totus æstuas, totus mades sudore.

B. Admones me recte et in tempore ; profecto non sentiebam.

A. Desiste si audies me.

B. Quis respuat tam fidele consilium ?

A. Deterge faciem sudariolo, et indue te celeriter, ne contrahas subitum frigus.

B. Habeo tibi gratum, nam sum obnoxius morbis.

A. Quid est causa ?

B. Infirmitas valetudinis meæ ; nam vides quam imbecillo corpore sum.

A. Debes tanto magis cavere tibi.

B. Novi istud probe, et præter monet me sæpissime : sed quid agas ? sumus proni natura in nostram perniciem.

A. Non est serviendum voluptati, sed consulendum est valetudini temperantia.

B. Memini carmen Cætonis in eam sententiam.

A. Ego memini quoque ; jam indutus es satis,  
non opus est ut moreris hic diutius.

B. Vale, amicissime monitor.

A. Vin' tu ut deducam te domum ?

B. Nihil opus est, ego belle me habeo beneficio  
Dei.



### COLL. LVIII.

A. Obsecro te da mihi operam paulisper.

B. Quid est illud ?

A. Nescio quid incidit in meum oculum, quod  
me valde male habet.

B. In utrum oculum incidit ?

A. In dextrum.

B. Vis inspiciam ?

A. Inspice, obsecro te.

B. Aperi quantum potes, et tene immotum.

A. Non possum continere à nictu.

B. Mane, egomet tenebo sinistra manu.

A. Ecquid vides ?

B. Video aliquid minutum.

A. Exime, quaeso, si potes.

B. Exemi.

A. O bene factum ! quid est ?

B. Cerne tu ipse.

A. Est mica pulveris.

B. Et quidem adeo exigua ut vix possit cerni.

A. Vide quantum doloris tam exigua res adfe-  
rat oculis.

B. Haud mirum quidem, nam nullum de exte-  
rioribus membris dicitur esse tenerius oculo.

A. Inde etiam fit, ut experiamur nihil esse cha-  
rius nobis.

B. Deus approbat hoc cum loquens de sua charitate in Judæos, sic ait, qui tangit vos, tangit pupillam oculi mei.

A. Nonne meus oculus rubet ?

B. Aliquantulum, quia fricuiſti.

A. Credin dolere mihi adhuc ?

B. Quidni credam, qui expertus ſum talem moleſtiam toties ?

A. Experientia eſt magiſtra rerum.

B. Ita dicitur vulgo.

A. Quid præmii dabo medico pro labore ?

B. Quantum pacti ſumus.

A. Concluſio eſt brevis, ergo nihil ; ſed tamen habeo tibi gratiam.

### COLL. LIX.

A. Quid agebas modo cum præceptore ?

B. Si cupis ſcire, percontare illum.

A. Cur cedes me ?

B. Ne facias palam.

A. Non rogo te, crede mihi, ut proferam id, nam quid proficerem !

B. Quamobrem igitur rogas tam cupide ?

A. Ut gaudeam tacitus mecum, ſi audieris quid boni.

B. Itane venis paratus, ut extorqueas a me quod creditum eſt mihi uni, idque à præceptore ?

A. Quod dixeris mihi, dixeris ſurdo et muto.

B. Egone committam meum tergum in tuam fidem ?

A. Potes proſecto, et quidem ſine periculo.



B. Nunquam dices tam commode ut persuadeas mihi istud.

A. Dabo fidem, me taciturnum.

B. Etiam si declaraveris sanctissime ter quaterve, non prodam, proinde desiste percontari.

A. Hem, ubi est nostra amicitia?

B. Nescis illum dictum sapientis, quod velis esse taciturnum, dixeris nemini?

A. Audivi aliquoties, sed quod dictum sit amico, videtur dictum nemini, nam amicus est quasi alter idem.

B. Dicet eadem tibi, qui volet scire ex te, et item alius, atque ita perveniet ad aures omnium; itaque si vis me esse amicum tibi posthac, missum me facito.

A. Non sum imperator ut te missum faciam.

B. Pergin' esse molestus?

A. Malim abire quam exhibere tibi molestiam.

---

### COLL. LX.

A. Ubi est natu maximus frater?

B. Ivit in militiam.

A. Quid ais, in militiam?

B. Sic res est.

A. Valedixit literis igitur?

B. Jam pridem tadebat eum literarum.

A. Quid ita?

B. Nescio, nisi quia volebat vivere liberius.

A. Quare pater permisit?

B. Profectus est, patre absente, metre invitata.

A. O miserum adolescentem!

B. Imo vero miserrimum.

A. Quid faciet ?

B. Id quod cæteri qui sequuntur illud genus vitæ ; nempe spoliabit, rapiet, ludet alea, potabit, scortabitur.

A. Estne isthæc vita militum ?

B. Omnino.

A. Unde scis istud ?

B. Audivi nuper ex patre cum cœnaremus.

A. Quorsum narrabat talia ?

B. Docēbat nos nihil esse titius quam timere Deum, qui custodit parvulos, et inducit eos paulatim in rectam viam.

A. Præceptor ipse admonet nos sæpe de his rebus.

B. Debemus esse tanto magis solliciti ut amemus parentes et præceptores, quorum operâ Deus utitur ad nostram institutionem.

A. Utinam præstemus utrisque quod ipse præcipit nobis in sua lege.

B. Ita Deus faxit.

---

### COLL. XLI.

A. Fuistine hodie in foro ?

B. Fui.

A. Quando ?

B. Post sacram concionem.

A. Quid emisti nobis ?

B. Fere nihil.

A. Sed quid ?

B. Butyrum.

A. Quanti ?

B. Quadrante.

A. Tantillum !

B. Non ausus sum emere amplius.

A. Quid timebas ?

B. Ne non effet bonum.

A. Fecisti prudenter satis.

B. Cur dicis istud ?

A. Quia malim te esse timidiores in hac re quam audaciorem.

Sed nunquid emisisti præterea ?

B. Nihil.

A. Eho, nihilne !

B. Nihil prorsus.

A. Vah, quam parce opsonatus es nobis !

B. Quid aliud potuisses emere ?

A. Quasi nescias quibus opsoniis soleam oblectari.

B. Scio te amare molliusculum caseum, et pyra, et alios recentes fructus.

A. Dicis recte, cur igitur non emisisti ?

B. Caseus erat carior pro nostra pecuniola.

A. Quid fructus ?

B. Alii non erant maturi satis ; dubitabam de aliis essentne boni.

A. Miser, non poteras gustare ?

B. Atqui istæ mulieres permittunt gustare nihil, nisi affirmes te empturum.

A. Nihil mirum, nam multi gustarent animi causa tantum, esto igitur sapientior alias.

B. Quomodo ?

A. Si videris aliquem pulchrum fructum, eme aliquantulum denariolo, ut facias periculum.

B. Quid tum ?


A. Si placuerit tibi, tum emito amplius ; sin minus, relinquito, et conferto te alio.

B. Est bona cautio.

A. Memineris igitur, ut utaris posthac.

B. Ego, ut spero, meminero diligenter; nunquid vis præterea?

A. Ut cures ea quæ sunt tui officii, ac deinde incumbas studiis.



## COLL. LXII.

A. Reverteris tantum hodie a villa?

B. Tantum hodie, idque paulo ante prandium.

A. Atqui dixeras te futurum illic modo biduum.

B. Ita sperabam fore, et sic pater promittebat.

A. Quid obstitit igitur quo minus redieris citius?

B. Mater detinuit me, tametsi obsecrabam eam lachrymis, ut me missum faceret.

A. Sed cur remorata est te tamdiu?

B. Ut comitarer eam in reditu.

A. Quid agebas interea?

B. Colligebam fructus cum nostris rusticis.

A. Quos fructus?

B. Quasi autumnales fructus non sint noti tibi, pyra, mala, juglandes, castaneæ.

A. O jucunda exercitiatio!

B. Non est solum jucunda, sed etiam frugifera.

A. Sed hoc est malum, quod interim fructus quinque aut sex prælectionum periit.

B. Non omnino periit spero, curabo pro viribus, ut recuperem aliqua ex parte.

A. Quid facies?

B. Describam quam diligentissime potero.

A. Et quid tum?

B. Ediscam ipsam orationem auctoris.

A. Sed non intelliges, sensum ejus satis.

B. Interpretatio præceptoris juvabit me, ut æsequar sensum magna ex parte.

A. Nec tamen id erit satis.

B. Tu aderis mecum (si placet) per otium, ut conferamus una.

A. Faciam libenter equidem, sed istud non sufficiet.

B. Non possum facere amplius.


A. Quanto præstitisset audire magistrum ipsum?

B. Sane multo præstiterat; sed quando non contigit mea culpa, non possum accusare meipsum in hac parte.

A. Dicis recte; fac igitur habeas bonum animum, nam quod ego disputavi tecum pluribus verbis de hac re, non feci, ideo, ut adducerem te in desperationem, sed totum illud profectum est ex meo singulari amore in te.

B. Illud non est dubium mihi, quo fit ut habeam majorem gratiam tibi.

A. Sed ecce, tintinnabulum vocat nos ad cœnam.



### COLL. LXIII.

A. Audivi tuum patrem venisse ad gymnasium hodie.

B. Audivisti verum.

A. Qua gratia venit?

B. Ut numeraret pecuniam præceptoris pro alimentis meis, et simul ut commendaret me illi.

A. Nunquamne commendarat te antea?

B. Imo, sæpissime.

A. Quid sibi vult ista tam frequenti commendatione ?

B. Amat me.

A. Quid tum ?

B. Ideo cupit me erudiri diligenter.

A. Quid si commendet ut vapules sæpius ?

B. Ea est fortasse causa, sed quid tum ? non diffigit me propterea minus.

A. Unde colligis istud ?

B. Quia correctio est tam necessaria puero quam alimentum.

A. Dicis verum quidem, sed pauci judicant ita ; nam est nemo quin malit habere panem quam virgam.

B. Istud est naturale omnibus, quis negat ? sed tamen poena est ferenda patienter, præsertim justa poena.

A. Sic habemus in libello moralium distichorum.

B. Quid si poena sit injusta ?

A. Ea quoque est patienda nihilominus.

B. Cujus causa ?

A. Propter Jesum Christum, qui tulit injustissimam et acerbissimam mortem pro nostris peccatis.

B. Utinam id veniat in mentem, quoties patimur aliquid.

A. Præceptor monet nos id sæpe, quoties occasio occurrit ; sed narrat fabulam surdis, ut est in proverbio.

B. Ergo demus operam, ut simus diligentiores.

A. Deus facit.

## COLL. LXIV.

A. Tu igitur es discessurus cras, ut audio.

B. Cras, si Dominus permiserit.

A. Eho, cur tam cito ?

B. Pater urget me.

A. Imo tu urges patrem.

B. Itane videtur tibi ? quomodo possum urgere patrem.

A. Assidua missione literarum.

B. Scripsi semel tantum scholasticam vacationem insistere.

A. Quando misisti literas ?

B. Superiore hebdomade.

A. Quo die ?

B. Veneris.

A. Quid facies domi ?

B. Vendemia instat, interim fractus sunt colligendi.

A. Poteras expectare diem dimissionis.

B. Nescio quando fit futurus.

A. Spero ad finem proximæ hebdomadis.

B. Sed istud non est positum in nostro arbitrio.

A. Nec in præceptoris quidem.

B. Cujus igitur ?

A. Dei solus, qui gubernat consilia hominum suorum.

B. Atqui Satanus videtur gubernare interdum.

A. Quantum Deus permittit ipsi : Sed relinquamus ista sapientioribus.

B. Est tutius ; nam proverbium monet, Ne furor ultra crepidam.

A. Audivimus istud sæpe ex præceptore.

B. Idem quoque docuit nos sæpe illam sententiam Pauli, Noli altum sapere, sed time.


A. Habet etiam illud frequenter in ore, Ne quæ fieris altiora.

B. Sed audin' tu signum dari ad cœnam ?

A. Tintinnubalum adhuc pulsat meas aures.

B. Eamus in aulam.

A. Salutabo te cras ante discessum.



### COLL. LXV.

A. Cur dispergebas pisa hic ?

B. Quando ?

A. Post prandium.

B. Faciebam id animi causa.

A. Sed unde habuisti illa pisa ?

B. Accepi è concha, ubi reposita fuerunt ut conquererentur crastino die.

A. Debuisse facere malum animi causa ?

B. Non putabam id esse malum.

A. An non est malum conculcare panem pedibus ?

B. Nollem facere istud.

A. Cur nolles ?

B. Quia panis est maxime necessarius nobis.

A. Deus creavit et pisa et cætera quæ eduntur, in nostrum usum.

B. Non ignoro illud, quin etiam vescor pisces libenter, si sint bene cocta et condita.

A. Præterea, velle sine abuti tuis rebus ?

B. Minime.

A. Tanto minus debes abuti alienis.

B. Intelligo istud fatis.

A. Ergo non fecisti recte.

B. Non recte, fateor, tamen non malo animo.



- A. Cur fecisti igitur ?  
 B. Mea ineptia incitavit me ad illud.  
 A. Quid meruisti ?  
 B. Plagas.  
 A. Dicis recte ; sed opinor, non ex animo.  
 B. Imo certe : Ne accuses me, oro.  
 A. Quandoquidem fateris sponte, non accusabere, nam præceptor dixit sæpissime, se velle sic.  
 B. Quid ille dixit ?  
 A. Ut deferamus neminem ad eum de istis levioribus, qui agnoverit culpam libens.



### COLL. LXVI.

- A. Quo genere ludi exercuisti te hodie ?  
 B. Ludo juglandium.  
 A. Ecquid lucri fecisti ?  
 B. Imo, perdidisti.  
 A. Tum fortuna fuit adversa tibi.  
 B. Nescio quæ fortuna, tantum scio id accidisse mea culpa, sed Deo volente ita.  
 A. Cur Deus id voluit ?  
 B. Fortasse ut hinc discam ferre graviora quam acciderint.  
 A. Quasi Deus curet lusiones puerorum.  
 B. Curat profecto, quinetiam, nihil fit in naturarum sine divina providentia.  
 A. Siccine philosopharis ? quisnam docuit te ista ?  
 B. Nonne tute audivisti ex nostro concionatore ?  
 A. Potest fieri, ut audiverim, sed quid agam ? memoria est fluxa.  
 B. Nimirum, quia non exerces.

A. Quomodo est exercenda ?

B. Primum, diligenti attentione, hoc est, advertendo diligenter ea quæ audivimus aut legimus ; deinde repetendo eadem sæpe ; denique, docendo alios ea quæ didicimus

A. Ista inculcantur nobis sæpe a præceptore, sed (me miserum !) quam supina est hæc negligentia mea !

B. Sic sumus omnes, nisi ille spiritus Dei excitet nos.

A. Quid faciam igitur ?

B. Expergitcere, precare Deum assidue, esto vigilans, fugito pravos, versare cum bonis.

A. Quid consequar tandem ?

B. Rogas ? Si assueveris istis moribus, Dominus Deus miserebitur tui sua clementia, et senties tuum animum mutatum brevi.

A. O quam opportunus fuit hic congressus ! Obsecro te, ut colloquamur sæpius.



#### COLL. LXVII.

A. Demiror tuam negligentiam.

B. In qua re tandem ?

A. Quod non curas te diligentius.

B. Ego curo me fortasse nimis, edo, bibo, dormio, fatis, præterea pecto capillum, lavo manus, faciem, dentes, oculos, hæc mane præcipue ; quinetiam, cum tempus postulat, exerreo corpus, relaxo animum, et ludo cum cæteris, quid vis amplius ?

A. Mittamus ista ; ea non sunt quæ reprehendo in te.

B. Quid igitur ?

A. Circumspice vestimenta tua à calce ad verti-

cem, inuenies nihil integrum, omnia sunt lacerata et obsoleta, ista profecto non decent vestrum genus.

B. Loqueris equidem ut libet, quod si haberes parentes tam procul remotos, fortasse non esses elegantior ; si haberem pecuniam, non paterer me esse usque adeo pannosum.

A. Nec ideo cares negligentia, nam cur non petis mutuo alicunde ?

B. Unde peterem ?

A. Si non aliunde, certe posses à præceptore.

B. Quid si nollet dare ?

A. Denegat nulli è domesticis discipulis, si quidem videt esse opus.

B. Non ignoro istud, sed sum verecundior.

A. Ah ! iste est rusticus pudor.

B. Tamen malo esse verecundus quam impudens.

A. Verecundia (ut quidam dixit) est bonum signum in adolescente, sed mediocritas est adhibenda ubique.

B. Ego sum eo ingenio, ut verear offendere quempiam.

A. Laudo ingenium, sed est modus in rebus ; nam ille metus offendendi debet habere locum in turpibus rebus, aut indecoris, sed video nihil tale hic. Est usitatum in societate hominum, ut indigeant mutua opera ; quis igitur dabit mihi vitio si petam ab amicis ?

B. Nemo reprehender, nisi fortasse velis abuti ejusmodi rebus.

A. Sed tu (quantum ego novi te) nolles abuti.

B. Apage istum abusum, habeo tibi maximas gratias pro tuo consilio.

## COLL. LXVIII.

- A. Adfuiſtine concioni ſacræ hodie ?  
B. Adfui,  
A. Quis habuit concionem ?  
B. Dominus N—.  
A. Quotâ hora incepit ?  
B. Septima.  
A. Unde ſumpſit thema ?  
B. Ex Epiſtola Pauli ad Romanos.  
A. Quoto capite ?  
B. Octavo.  
A. Reſpondiſti adhuc bene ; nuuc videamus quid ſequatur : Ecquid mandaſti memoriæ ?  
B. Nihil quod poſſum referre.  
A. Nihil ! cogita pauliſper, et vide ne turberis, quin eſto bono animo.  
B. Certe poſſum reminiſci nihil.  
A. Ne verbum quidem ?  
B. Nihil prorſus,  
A. Hem verbero ! quid profeciſti igitur !  
B. Nescio, niſi quod abſtinui fortasſe interim à malis.  
A. Iſtud, quidem, eſt aliquid, ſi potuit fieri, ut abſtinueris à malo omnino.  
B. Abſtinui quoad potui.  
A. Fac eſſe ita, tamen non ſatiſfeciſti Deo, quum ſcriptum ſit, declina à malo, et fac bonum ; ſed dic mihi quæſo, qua gratia iviſti illuc potiſſimum ?  
B. Ut addiſcerem aliquid.  
A. Cur non ſeciſti iſtud ?  
B. Non potui.  
A. Non potuiſti, nebulo ! Imo noluiſti, aut certe non curaſti.

B. Cogor fateri.

A. Quæ res cogit te ?

B. Mea conscientia, quæ accusat me apud Deum.

A. Dicis recte, utinam ex animo.

B. Equidem dico ex animo.

A. Potest fieri ita, sed age, quæ fuit causa quamobrem mandaveris nihil melioris ?

B. Mea negligentia ; nam non audiebam diligenter.

A. Quid faciebas igitur ?

B. Identidem dormiebam.

A. Ita soles ; sed quid agebas in reliquo tempore ?

B. Cogitabam mille ineptias, ut pueri solent.

A. An tu es adeo puer ut non debeas esse attentus ad audiendum verbum Dei.

B. Si essem attentus, possem proficere aliquid.

A. Quid igitur meruisti ?

B. Vebera.

A. Meruisti profecto, idque largissime.

B. Confiteor ingenue.

A. Para te ad recipiendas plagas.

B. Ah ! magister, ignosce, obsecro ; peccavi, fateor, sed ex nulla malitia.

A. Quid facies igitur si ignovero tibi ?

B. Faciam meum officium posthac, ut spero.

A. Addendum erat, Deo juvante.

B. Imo, magister, præstabo meum officium posthac, Deo juvante.

A. Age, condono hanc culpam tuis lachrymis, et ignosco tibi ea lege, ut memineris tui promissi.

B. Ago tibi gratias, humanissime præceptor.

A. Eris in maxima gratia apud me, si servaveris promissa.

## COLL. LXIX.

A. Non possum mirari satis te non esse diligentem.

B. In qua re videor tibi esse negligens ?

A. Quod nunquam fere ades in tempore mane, atque, inde fit ut noteris in catalogo pene quotidie : Cur es adeo somniculosus ?

B. Sic est mea natura.

A. Corrige istam naturam, id est, vitium naturæ.

B. Nihil emendatur difficilius, quam naturale vitium.

A. Omnia vitia fere sunt naturalia nobis, et nisi bonitas Dei servaret nos, essemus omnes sceleratissimi.

B. Quid igitur faciendum est ?

A. Pugnandum est fortiter cum vitiis nostris.

B. Sub quo duce ?

A. Deo ipso.

B. Quibus armis ?

A. Divinis et spiritualibus.

B. Ubi inveniuntur ?

A. In epistola sancti Pauli ad Ephesios.

B. Quoto capite ?

A. Sexto.

B. Quid si non intellexero locum per me ?

A. Non intelliges, satis scio, sed præceptor erit consulendus.

B. Quid si adfueris mecum ?

A. Volo adesse, certum est, verum opportunitas captanda est.

B. Capiemus consilium igitur alias de hoc.

A. Quando erit istud ?

B. Proximo die Mercurii, si tibi placet.

A. Quota hora?

B. Prima post meridiem.

A. Placet sententia.

B. Nunc igitur discedamus.



### COLL. LXX.

A. Vis emere hoc cingulum?

B. Cur emerem? unum est satis mihi; cur vero vis tu vendere?

A. Quia sunt mihi duo.

B. Tamen non licet vendere, nisi vis incurrere poenam.

A. Quid vetat me vendere meas res?

B. Habes nihil tuum adhuc.

A. Eho, nihil! unde probas istud?

B. Quia nondum es tui juris, sed sub potestate patris; denique, vis audire breviter istud non licere tibi?

A. Maxime, velim.

B. Est scholastica lex de hoc, cujus hæc est sententia, Pueri nec vendant nec alienent aliquid injussu parentum, qui fecerit contra plectetur verberibus.

A. Non ignorabam istud, sed volebam facere periculum an esses constans in observandis legibus.

B. Tu es simulator igitur.

A. Video nihil mali in hac simulatione. Num tu interpretaris male?

B. Minime vero, nihil enim nocuisti mihi.

A. Quid si nocuissem?

B. Tulissem æquo animo, ut decet Christianum.

A. Utinam feramus omnia adversa sic propter Christum, qui nihil non tulit causa nostræ salutis.

Bt Feremus certe, si proponamus ejus exemplum semper ab oculis.

A. Id est quidem difficile.

B. Imo impossibile, nisi adjuvemur illius spiritu, quod est impetrandum assiduis precibus.

A. O quam suavi sermone consumpsimus tantillum otii !

---

### COLL. LXXI.

A. Quid vis ut dicamus, præceptor.

B. Dicat quisque suam sententiam ex novo testamento.

A. Euge ! nihil erit facilius nobis, habemus enim in promptu magnam copiam earum ; vis ergo, præceptor, ut incipiamus nunc ?

B. Sane velim, quando, ut ais, est vobis tanta copia.

A. Quis incipiet ?

B. Tunc vis edere specimen hujus rei, honoris tui causa ?

A. Faciam id libenter, sed Dei honoris causa.

B. Laudo istud verbum nam divinus honor et gloria est præferenda in omnibus rebus ; eja incipe, si quid habes.

A. Nisi vestra justitia superaverit justitiam scribarum et pharisæorum, non potestis ingredi regnum cælorum ; quinto capite Matthæi.

Deposito mendacio, loquimini veritatem quisque proximo suo ; quarto capite ad Ephes. Filii, obedite parentibus, in omnibus, hoc enim placet Domino : tertio ad Colossenses.



B. Euge, bonum specimen, videte, ut progressus respondeat, hoc est, ut pergatis in posterum diligenter.

A. Qui dedit nobis principium, idem dabit profperos successus.

B. Ita est sperandum. Parate vos, ut maturemus prodire.

A. Aderimus paratissimi mox.

B. Sumite quisque suum pallium, ut prodeatis honestius; sed heus, pueri.

A. Quid, præceptor?

B. Videte ut adferatis Psalmos, cantabimus alibi in umbra.

A. Ita nostra ambulatio fiet jucundior.

---

### COLL. LXXII.

A. Fuiſtine hodie in gymnaſio.

B. Etiam, quid tu agebas?

A. Eram occupatus domi.

B. Id evenit præter tuum morem, ſoles enim abeſſe rarius.

A. Rariſſime quam poſſim; quid autem actum eſt?

B. Nihil prorſus.

A. Habemus ergo remiſſionem?

B. Certe.

A. Quamobrem?

B. Propter hodiernum mercatum.

A. Quis dedit?

B. Ludimagiſter, tamen permiſſu rectoris?

A. Quid conceſſit?

B. Vacationem ab omni ſcholatiſtico munere,

A. An, in totum diem ?

B. A mane usque ad occasum solis ; tametsi admonuit nos diligenter, et multis verbis quidem, ut cogitaremus de negotio in otio, ne veniremus cras in ludum imparati.

A. Quid igitur faciemus ? abutemur hoc otio ?

B. Id minime decet nostram ætatem.

A. Tu vero, quid paras facere ?

B. Recipere me in musæolum, nisi placet tibi fortasse magis, ut prodeamus aliquo ambulatum sesquihoram.

A. Egone recusarem ? imo est nihil quod magis velim nunc ; nam interea tractabimus aliquem sermonem de literis, et exercebimus corpus.

B. Eamus igitur extra muros.

A. Quonam.

B. Usque ad ripam lacus.

A. Istud arridet mihi valde, sed tu expectabis me, si placet.

B. Quamdiu ?

A. Tantisper dum eo mutatum crepidas pro calceis.

B. Ubi vis expectari ?

A. Ad Franciscanam portam.

B. At vide ne fallas.

A. An ego fallerem amicum, cum sciam fidem esse servandum cum inimico ?

B. Abi, festina ; ego legam aliquid interim, dum opperior te.

A. Adero hic mox.

B. Et  
respondet  
ter.

A. Q  
peros fuc

B. Ita  
mus prod

A. Ad  
B. Sup

honestus  
A. Qu

B. Viti  
ubi in no

A. Ita

A. Fulo  
B. Etia

A. Erat  
B. Id es

belli rariu  
A. Rari

est?  
B. Nihil

A. Habi  
B. Certe

A. Quo  
B. Prop

A. Quo  
B. Lud

A. Quo  
B. Vay

## COLL. LXXIV.

A. Visne permanere in ista ignorantia ?

B. Deus avertat.

A. Quid facias igitur ?

A. Da mihi consilium si per hac re.

A. Iprimis precare Deum sæpissime et ex animo ; deinde esto semper attentus, hoc est, audito diligenter quicquid docetur, si præceptor loquatur, si tui condiscipuli reddant aliquid ; postremo, cole charitatem diligenter.

B. Quibus modis ?

A. Lædito neminem, offendito neminem, invideto nemini, odio habeto neminem ; sed contra, dilige omnes tanquam fratres, ac benefacito omnibus quoad poteris.

B. Quid illa conferent ad profectum studiorum ?

A. Plurimum.

B. Quomodo ?

A. Sic enim Deus illuminabit ingenium tibi, augebit memoriam, ac cæteras dotes animi ; denique, ita promovebit tua studia, ut facias majorem progressum in iis indies.

B. Sane das mihi optimum consilium : Utinam valeam perpetuo uti ad gloriam Dei, ac referre tibi gratiam aliquando.

A. Non opto ut referas mihi aliud gratiæ, nisi ut laudes Deum sæpenumero, et persequaris honesta studia semper.

## COLL. LXXV.

A. Præceptor, quid reddemus cras mane ?

B. Dixi palam hodie mane, ante scholam missam.

A. At ego non aderam, præceptor.

**B. Roga condiscipulos, nam si singuli vellent interrogare me de rebus dictis à me palam, quæso quando esset finis ? Itaque fac sis prudentior posthac.**

### A. Curabo.

**B. Sed ubi fuisti ?**

**A. Prodieram.**

### B. Quid Prodieras ?

A. Ūt curarem aliquod negotium, de quo pater scripserat ad me.

**B. A quo petivisti veniam ?**

**A. Ab hypodidafcalo.**

**B. Cur non potius a me?**

**A. Quia eras occupatus.**

### B. Quid agebam?

A. Alloquebaris quosdam honoratos viros in  
area, qui venerant te conventum.

**B. Abi, nunc recordeor.**



COLL. LXxVI.

**A. Salve, Domine.**

**B. Tu fis salvus quoque.**

**A. Ludamus paulisper.**

B. Quid ais, ineptule? vix ingressus es scholam, et loqueris jam de ludo.

**A. Ne irascaris, quæso.**

**B. Non irascor.**

**A. Cur ergo sic exclamas ?**

**B. Accuso tuam stultitiam.**

**A. Non licet ludere igitur ?**

**B. Imo, at cum tempus est.**

A. Vah ! tu nimium fapis.

B. Utinam tantum faperem fatis ; sed mitte me, quæso, ut repetam quod reddendum est præceptori. mox.

A. Dicis æquum ; ego volo quoque repetere tecum, si tibi placet.

B. Eho ! quid est hoc ? quid sibi vult ista tam subita mutatio ? nonne tu loquebaris modo de lusu ?

A. Loquebar, quidem, sed non serio.

B. Cur simulabas ?

A. Ut fabularer paucis tecum.

B. Quid illud prodest ?

A. Rogas ? nonne audivisti ex præceptore ?

B. Nunc non occurrit mihi ; quid, inquam, prodest confabulari ?

A. Ad exercendos nos in Latina lingua.

B. Profecto putas recte, et ego amo te magis nunc.

A. Habeo tibi gratiam ; age, repetamus prætionem, nam brevi præceptor aderit.



• • COLL. LXXVII.

A. Salve, præceptor.

B. Sis salvus : unde venis tam multo mane ?

A. E nostro cubiculo.

B. Quando surrexisti.

A. Paulo ante sextam, præceptor.

B. Quid ais ?

A. Sic est ut dico.

B. Tu es nimis matutinus ; quis expergefecit te ?

A. Meus frater.

B. An precatus es Deum ?

A. Cum primum frater pexuit me, precatus sum.

B. Quomodo ?

A. Flexis genibus et manibus conjunctis, dixi Dominicam precationem cum gratiarum actione.

B. Qua lingua ?

A. Anglicana.

B. O factum bene ! quis misit te ad me ?

A. Nemo.

B. Quid ergo ?

A. Veni ultro.

B. Mi animule, quam pulchrum est sapere ! nonne est jentandi tempus ?

A. Nondum esurio.

B. Quid vis igitur ?

A. Volo reddere quotidiana nomina, si placet tibi audire me.

B. Quidni placeret ? tenes memoria igitur ?

A. Teneo.

B. Age, pronuncia.

A. Sed soles præire Anglice, et ego respondeo Latine.

B. Mones bene. Pene oblitus eram, responde igitur.



### COLL. LXXVIII.

A. Quando vis prandere ?

B. Ego prandi jam.

A. Quota hora ?

B. Sesquioctava.

A. Prandetis tam mane igitur ?

B. Sic solemus fere in æstate, vos autem quid facitis ?

A. Non prandemus ante fufquidecimam, interdum ab undecima.

B. Papæ ! cur non citius ?

A. Pater est expectandus, dum redierit è curia.

B. Tu igitur non potes adefse in aula in cantatione psalmodum.

A. Interfui admodum raro. Exemptus sum ab eo munere.

B. Quis exemit te ?

A. Præceptor, rogatu mei patris.

B. Habentne omnes senatorum filii ejusmodi privilegium ?

A. Habent, modo patres jubent.

B. Nonne posset mater dare tibi prandium ante reditum patris è senatu ?

A. posset quidem, sed pater vult expectari à me.

B. Quamobrem ?

A. Quia sic placet illi.

B. Nunc tacendum est mihi, nam occlusisti os mihi.

A. Cur tu es tam curiosus percontator ?

B. Sum puer, et pueri semper cupiunt scire aliquid novi.

A. Fateor, at est modus in rebus, ut præceptor docet nos sæpe.

B. Ergo discedamus, ut conferas te pransum.

A. Ignosce mihi, quæso, si offenderim qua in re.

B. Ego peto idem abs te ; ego, inquam, potius, qui potui offendere te mea loquacitate, sed cogitans nihil mali interim.



## COLL. LXXIX.

A. Præceptor, licetne dicere pauca ?

B. Loquere audacter.

A. Ego et mei condiscipuli fuimus affixi libris fere hoc toto triduo ; licetne relaxare animum paulisper ludo ?

B. Dic igitur aliquam sententiam.

A. Interpone tuis interdum gaudia curis,  
Ut possis animo quemvis sufferre laborem.

B. Dic etiam Anglicos versus, si tenes memoria.

A. *Ease and alternate labour, rightly join'd,  
For noblest service from the attentive mind.*

B. Quam recte dixisti omnia.

A. Gratia sit Deo.

B. Aliquid addendum erit posthac.

A. Quidnam, præceptor ?

B. Qui dedit mihi ingenium et bonam mentem.

A. Sed quis docebit me ista verba ?

B. Scribam ea tibi in tuo commentariolo, ut ediscas ; sed dic mihi, quæso, quis docuit te istam orationem quam pronunciaſti ?

A. Campanus dedit mihi heri scriptam, et ego mandavi memoriæ.

B. Profecto ego amo te ob istam diligentiam.

A. Ago, tibi gratias, præceptor ; permittisne igitur ut ludamus ?

B. Sane, abi, renuncia tuis condiscipulis.

A. Faciam.


B. Quid dices illis ?

A. Id quod docuisti me aliquando.

B. Sed volo audire prius ex te.

A. Gaudete pueri, en, affero vobis jucundum nuncium, ego impetravi vobis potestatem ludendi.

B. Euge, meministi probe, ito jam.



COLL. LXXX.

A. Nihilne est quod reddamus hodie præceptor?

B. Nihil nisi de rudimentis grammaticæ.

A. Quidnam?

B. Inspice tuum libellum, invenies notas in quinque lectiones, quas præceptor præscripsit nobis.

A. Quando fuit istud?

B. Dei Veneris hora quarta.

A. At ego not interfui tunc.

B. Ergo mernisti plagas.

A. Siccine judicas, fervere judex? eram occupatus domi; nec aberam injussu præceptoris.

B. Esto, sed tamen debuisti postridie quærere quid esset actum pridie.

A. Confiteor meam culpam; sed cede tuum librum, quæso, ut videam quid nobis reddendum sit.

B. Accipe, et eadem opera signato quæ præscripta sunt nobis à præceptore.

A. Faciam diligenter; neque posthac accusabis me negligentiam, ut spero.

## COLL. LXXXI.

- A. A quo emisti istam chartam ?  
 B. A Fatino.  
 A. Estne bona ?  
 B. Melior quam ista tua, ut opinor.  
 A. Non miror.  
 B. Cur dicis istud ?  
 A. Quia fortasse est carior.  
 B. Nescio.  
 A. Quanti emisti scapum ?  
 B. Solido et semisse. Quanti tu emisti ?  
 A. Solido et pluris.  
 B. Quanti igitur ?  
 A. Quinque quadrantibus.  
 B. Profecto non emisti male.  
 A. Quinetiam mercator dedit mihi auctarium.  
 B. Quodnam, quæso ?  
 A. Schedam bibulæ chartæ.  
 B. O me imprudentem, qui oblitus sum petere !  
 A. Ego ne petivi quidem, sed ille dedit mihi ultro ; et hoc, inquit, addo tibi, ut revisas me.  
 B. Sic solent allicere emptores.  
 A. Nec mirum, quisque quærit suum commodum.  
 B. Sed quid agimus, immemores hodierni pensi ?  
 A. Est exiguum, satis temporis restat nobis.

## COLL. LXXXII.

- A. Venitne tuus frater Londino ?  
 B. Venit heri ante meridiem.  
 A. Nihilne literarum attulit tibi ?  
 B. Nihil.

A. Quid narrat de patre tuo ?

B. Ait illum, Dei beneficio, convalescere paulatim.

A. Gaudeo sane, ac precor Deum ut recuperet pristinam valetudinem brevi; sed nihil misit ad te ?

B. Imo, pecuniam.

A. Euge, est nullus jucundior nuncius.

B. Ita aiunt.

A. Tu vero respondes sic, quasi audias fabulam.

B. Quin audio pejus.

A. Quidnam ?

B. Merum mendacium.

A. Egone mentitus sum ?

B. Non dico te esse mentitum, sed dixisti falsum.

A. Ego non intelligo quid dicas.

B. Dabo operam ut intelligas.

A. Obsecro te.

B. Si nullis nuncius est jucundior quam de pecunia allata nobis, quid ergo est evangelium Christi ? quis nuncius est jucundior quam gratia Dei, quam Christus attulit nobis per evangelium ?

A. Fateor nihil esse jucundior evangelio, iis duntaxat qui credunt ei, et amplectuntur ex animo.

B. Equidem sic intelligo:

A. At ego loquebar de humanis et terrenis rebus, tu vero statim ascendisti ad cœlum.

B. Ita boni concionatores solent.

A. Non putabam te esse theologum.

B. Dixi nihil nisi quod est tritum et notum omnibus.

A. Utinam illud esset adeo vulgare, ut omnes crederent in Christum.

B. Omnes nunquam credent.

A. Quid prohibet ?

B. Quia multi sunt vocati, pauci vero electi, sicut Christus ipse testatur.

A. Vis inire magnam gratiam apud me ?

B. Fecerim nihil libentius, si quidem res ipsa sit penes me ; sed quid est in quo possum commodare tibi ?

A. Da mutuo mihi decem asses.

B. Non habeo tantum nunc, sed majorem partem.

A. Quantum, quaeso ?

B. Nescio, nisi inspexero crumenam ; ecce tibi octo asses cum semisse.

A. Accipio solos septem, non enim volo evacuare te prorsus.

B. Refert parum, accipe totum si vis.

A. Ago tibi gratias, credo hoc pecuniae fore satis meo negotio, cum aliquantula quam ipse habeo.

B. Ut libet.

A. Amo te de ista tam exprompta benignitate.

B. Si possum quid aliud, ne parcas.

A. Reddam totum, Deo volente, quam primum pater miserit ad me.

B. Ne sis magnopere sollicitus, nondum est opus mihi.



### COLL: LXXXIII.

A. Oro te, da mihi ex tuo pane.

B. Non habeo nimis mihi, tamen volo impertiri tibi.

A. Habeo tibi gratiam.

B. Non est quod agas ob tantulam rem ; sed dic, quaeso, cur non attulisti ?

- A. Quia erat nemo nostræ domi qui daret mihi.  
 B. Sed cur non accipis ?  
 A. Non audeo, nisi mater det.  
 B. Facis bene, sed audi bonum consilium.  
 A. Ausculto ut audiam, dic, quæso.  
 B. Cum reliquæ mensæ tolluntur post prandium, petito merendam, et recondito eam in peram; ita fiet ut numquam venias inanis.  
 A. Autemquid suades mihi de jentaculo ?  
 B. Ut petas in exitu coenæ, et facias idem quod dixi tibi de merenda.  
 A. Nunquam fuit melius consilium dari.  
 B. Fac igitur ut memineris, et utere cum voles.  
 A. Utar equidem, quoties erit opus.

## COLL. LXXXIV.

- A. Unde venis ?  
 B. Domo.  
 A. Quid affers illinc ?  
 B. Merendam.  
 A. Quis permisit tibi exire ?  
 B. Præceptor ipse.  
 A. Quomodo probabis istud ?  
 B. Adeamus illum, ut consulamus.  
 A. At vide quid agas.  
 B. Timeo nihil in hac re.  
 A. Esne adeo securus ?  
 B. Qui dicit verum, debet timere nihil.  
 A. Ista sententia est vera quidem, sed quotusquisque non mentitur ?  
 B. Sum certus me nihil mentiri nunc.

A. Persuades mihi propemodum ; abi, credo tibi, quia nunquam deprehendi te in mendacio.

B. Gratia sit Deo, quem precor ut custodiat me integrum et purum.

A. Utinam omnes precarentur ex animo, nunc recipe te, ut edas tuam merendam.



### COLL. LXXXV.

A. Qui sunt victores hac hebdomade ?

B. Ubi eras cum rationes redderentur ?

A. Accersitus fueram a patre ; sed qui sunt victores ? dic, quæso.

B. Ego et Puteanus.

A. Jamne habuistis præmium ?

B. Habuimus.

A. Quodnam ?

B. Duodenas juglandes.

A. Heu ! quale præmium !

B. Eho, inepte ! æstimas ergo præmium ex præmio rei ?

A. Video nihil aliud hic æstimandum.

B. Es sordidus, qui inhias sic lucro ; non meministi verbum præceptoris ?

A. Quod verbum ?

B. Præmium datur non lucri causa, sed honoris.

A. Nunc reminiscor ; ero posthac diligentior.

B. Sic sapies tandem.




### COLL. LXXXVI.

A. Impetrastis facultatem ludendi ?

B. Impetravimus.

- A. Ad quod usque tempus ?  
 B. Usque ad cœnam.  
 A. Qui dederunt versus ?  
 B. Primi et secundi.  
 A. Quid fecerunt cæteræ classēs ?  
 B. Quisque primus decurio trium proximarum classium pronunciavit unam sententiam è Sacris Literis.  
 A. Nonne precati estis, ut solemus ?  
 B. Precati sumus, et quidem ludimagistro præfente ; tu vero ubi eras ?  
 A. Iveram domum, accersitus à matre.  
 B. Nunc igitur, quid cogitas facere ?  
 A. Ludere sesquihoram, deinde recipere me ad studium.  
 B. Vin' tu ut sim collutor ?  
 A. Quidni velim ?  
 B. Quo lusu exercebimus nos ?  
 A. Nullas est jucundior mihi palmaria pila.  
 B. Nec mihi quidem.  
 A. Videamus igitur, an cæteri fortiti sint partes, nam si luderemus soli, effet minus voluptatis.  
 B. Vilamus.



## COLL. LXXXVII.

- A. Quæ arbores sunt in vestro horto ?  
 B. Habemus hortum suburbanum, in quo sunt olera quibus vescimur quotidie ; præterea sunt in fundo nostro bini horti confiti variis arboribus.  
 A. Quæ olera sunt in horto ?  
 B. Mater posset respondere tibi melius de hoc ; nam versatur sæpe illic, aut causa ferendi, aut faciendi, aut colligendi aliquid.



A. Accipere plagas ; sed ignosce mihi, quæso, præceptor.

A. Cur non petivisti potestatem excusandi ?

B. Quia non audebam interpollare te.

A. Quid agebam ?

B. Tenebas libellum, et legebas aliquid.

A. Potest fieri, sed tamen vos interpellatis me sæpe ob levio rem rem ; nunc igitur para te ad vapulandum.

B. Parce mihi, obsecro, præceptor.

A. Sine ut cogitem aliquantisper prius ; age parco, tum quia confiteris ingenue, tum quod vide sis mihi studiosus fatis.

B. Ago tibi maximas gratias, humanissime præceptor.

### COLL. XCI.

A. Præceptor, licetne dicere pauca ?

B. Loquere.

A. Nos duo proponebamus, si placeret tibi, ire, dum cæteri ludunt, foras, ambulatum.

B. Quo vultis ire ?

A. In proxima suburbana.

B. Quid autem agetis inter ambulandum ?

A. Tractabimus aliquod colloquium, sed de bonis et honestis rebus ; hæc serenitas temporis, et tam pulchra facies terræ, præbebunt nobis aliquod argumentum.

B. Nunquam desist materia laudandi Dei, dumtaxat veris cultoribus ejus.

A. Nunquam projecto. Sed ut revertamur ad propositum ; permittes nobis, præceptor, prodire extra urbem ?

## COLL. LXXXIX.

A. Salve, præceptor.

B. Salvete et vos; an omnes surrexerunt?

A. Omnes præter parvulos.

B. Nunquis ægrotat?

A. Nemo, gratia Deo.

B. Quid agunt?

A. Alii induunt se, alii student graviter.

B. Adestne hypodidascalus vobis?

A. Jamdudum.

B. Ite igitur precatum, ac commendate vos diligenter Deo per Jesum Christum nostrum deprecatorem; deinde pergite in vestris studiis usque ad hotam jentaculi.

A. Ita solemus, præceptor.

B. Credo equidem; sed quia estis fere somnolosi ac negligentes, idcirco admoneo vos sæpius.

A. Habemus gratiam, præceptor humanissime; nunquid vis præterea?

B. Dic famulo ut adferat togam.

## COLL. XC.

A. Demiror unde venias nunc?

B. Redeo domi, præceptor.

A. Cur ivisti domum?

B. Petitum merendam.

A. Quamobrem non attulisti?

B. Mater erat occupata.

A. Quid tum debuisti exire injussu meo?

B. Non debui, fateor.

A. Quid meruisti igitur?

- A. Precamur idem tibi ex animo.
- B. Sed heus ! quando aderitis hac ?
- A. Cras vesperi, Deo juvante.
- B. Cura ut memineris promissi.
- A. Curabo.
- B. Scilicet, ut soles.
- A. Imo melius spero. Nunquid vis ?
- B. Ut dicas salutem parentibus meis verbis.
- A. Faciam libenter ; vale iterum, præceptor.
- B. Vos valetate quoque ; at ambulate lento gradu propter æstum solis.
- A. Ita solemus facere.

## COLL. XCIII.

- A. Licetne mihi adire tutorem, præceptor ?
- B. Quæ causa movet te ?
- A. Ille jussit, ut convenirem te hodie, si liceret.
- B. Quando jussit ?
- A. Nudiustertius.
- B. Ubi vidisti illum ?
- A. In area, quæ est è regione templi.
- B. At vide ne mentiaris.
- A. Mendacium absit à me ; si vis, dabo aliquot ex condiscipulis testes, qui aderant mecum.
- B. Qui sunt illi ?
- A. Daniel et Corderius ; visne ut ascerfam ?
- B. Mane, ego conveniam illos ; sed dic mihi, quid eget tutor tua opera ?
- A. Ad describendum aliquid.
- B. Qua hora igitur vis adire illum ?
- A. Nunc si placet tibi ?
- B. Quando redibis hac ?

- A. Cum primum dimiserit me.  
 B. Nunc abi, atque dicito illi plurimam salutem ex me.  
 A. Faciam libenter.

## COLL. XCIV.

- A. Licetne prodire, praeceptor ?  
 B. Quo ?  
 A. Primum ad sartorem, deinde ad tonsorem ?  
 B. Cur ad sartorem ?  
 A. Ut curem tibialia reficienda.  
 B. Suntne lacerata ?  
 A. Adeo lacerata ut non possum induere.  
 B. Cur ad tonsorem ?  
 A. Ut ostendam illi ulcus quod subortum est his diebus in femore.  
 B. Detege ut videam.  
 A. Vide, quando ita placet tibi.  
 B. Est furculus.  
 A. Ita conjiciebam.  
 B. Cum aperueris tonfori, roga illum ut adhibeat emplastrum aptum ulceri.  
 A. Faciam ut suades.  
 B. Sed nunquis est qui velit prodire tecum ?  
 A. Imo, Joannes Flavianus.  
 B. Quod negotium habet ?  
 A. Vult adire tonsorem quoque.  
 B. Ite una igitur, et redite similiter.  
 A. Nunquid vis praeterea ?  
 B. Ut maturetis reditum, ne multemini vestra merenda.

## COLL. XCV.

- A. Convenisti Petrum hodie, igitur ?  
 B. Hodie.  
 A. Ubi ?  
 B. In templo.  
 A. Quota hora ?  
 B. Octava matutina.  
 A. Numquid rogasti eum quando sit rediturus ad scholam ?  
 B. Rogavi.  
 A. Quid dixit ?  
 B. Dixit se nescire.  
 A. Debuiisti exhortari ad reditum.  
 B. Feci, et multis verbis quidem.  
 A. Fecisti bene, sed quid ille respondit ?  
 B. Se detineri adhuc a patre ad colligendos fructus.  
 A. Quid si scribas ad patrem ipsum de statu nostræ scholæ ? nam fortasse movebitur ut remittat filium citius.  
 B. Si videtur ita tibi, faciam idque diligenter.  
 A. Fac igitur primo tempore ; sed audi, scribe plenissime ; deinde ostende tuas literas mihi, priusquam des perferendas.  
 B. Faciam sedulo, præceptor.

## COLL. XCVI.

- A. Qua pecunia emisti illum librum ?  
 B. Quæcunque, nisi mea ?  
 A. Miror unde habueris.  
 B. Quid miraris ? an debeo reddere rationem tibi ?

A. Egone exigo ?

B. Videris exigere.

A. Non exigo, inquam, sed solemus confabulari sic inter nos familiariter et libere.

B. Ea res, fateor, confert plurimum ad facultatem loquendi Latine ; sed est nemo tam lenis, quin subirascatur interdum.

A. Est ut dicis, sed ira puerorum est brevis.

B. Quod autem rogabas de pecunia, accepi eam à patre.

A. Quando venit ?

B. Octo dies abhinc.

A. Miror quod non viderim eum.

B. Non est quod mireris.

A. Quid ita.

B. Quia moratus est vix sesquithoram ; nam quum descendisset de equo, atque allocutus esset me paucis ; ascendamus, inquit, in tuum cubiculum, ut loquar liberior tecum.

A. Sed antequam narres cætera, velim scire quid sibi vellet ejus tam inopinatus adventus.

B. Audierat quodam falso rumore, ut fit, me egrotum esse.

A. Quid ille, cum invenit te valentem, præter spem ?

B. Gavissus est mirifice.

A. Quis dubitat ?

B. Præterea, egit maximas gratis Omnipotenti Deo.

A. Audio hæc libenter ; perge, quæso.

B. Tum percontatur me de valetudine : precamur una, non, sine gratiarum actione ; tandem quaerit ecquid mihi opus sit.

A. Opus est, pater, inquam. Qua re eges ? inquit.

Libro decim affium, inquam; tum ille promittit ex marsupio solidam, dat mihi in manum, et vale dicto, statim conscendit equum, atque abit.

A. Cur dedit tibi plus quam petiveras?

B. Quæris istud inepte, scilicet, erat ita lætus, quia offenderat me sanum præter spem; quod si petissem vel aureum coronatum, dedisset mihi tam facile.

A. O quantum debes illi summo patri, qui dedit tibi adeo bonum patrem!

B. Ne potest quidem cogitari quantum debeam; nam etiamsi dedisset malum, deberem tamen non parum.

A. Sed quid cessamus ire auditum prælectionem? jam instat tertia hora.

B. Omnia sunt parata mihi.

A. Et mihi quoque.

B. Eamus ergo in auditorium.



### COLL. XCVII.

A. Audio fratrem tuum revenisse jam ex Germania.

B. Sic est.

A. Rediitne solus?

B. Non omnino.

A. Quis igitur venit cum illo?

B. Quidam civis hujus oppidi, qui habitaverat illic fere biennium.

A. Cur ivit frater?

B. Missus fuit à patre, ut disceret loqui Germanice.

A. Quamobrem igitur non fuit illic diutius ?

B. Non poterat ferre desiderium matris.

A. O tenellum adolescentem ! quotum annum agit ?

B. Decimum septimum, si mater meminit recte, ex qua audiivi id sæpius

A. Age, quo vultu adventus ejus acceptus est à patre ?

B. Rogas ? pater non sustinuit aspicere ; quin etiam, nec dignatus est salutare nec alloqui, sed iussit eum abire è conspectu suo.

A. Quid præterea ?

B. Nisi mater intercessisset cum lachrymis, iussit apparitorem accersiri, qui conjiceret miserum in carcerem.

A. Atqui non poterat injussu magistratus.

B. Nescio, tamen conabatur.

A. Quid factum est postea ? cubuitne vestra domi ?

B. Minime vero.

A. Ubi igitur ?

B. Nosti meæ sororis virum ?

A. Tanquam te.

B. Missus est eo à matre, dum patris ira defervesceret.

A. Quid accidit tandem ?

B. Mater egit cum nostris propinquis et amicis, ut mitigarent iratum patrem.

A. Sic igitur tuus frater rediit in gratiam cum patre.

B. Id fuit non magni negotii ; nam jam patrem coeperat pœnitere quod excanduisset sic, quodque accipisset filium tam graviter.

A. Nempe, dies lenierat ejus iram.



B. Tamen recepit eum ea lege, ut promitteret se rediturum in Germaniam statim à vindemia.

A. Vide quam ineptus iste affectus in nostras matres sit.

B. Atqui matres ipsæ sunt in causa ; nam cur amant nos adeo tenere ?

A. Est difficile cogere naturam. Tenetne verum ex Horatio in eam sententiam ?

B. Maxime.



### COLL. XCVIII.

A. Quando rediisti domo ?

B. Tantum hodie.

A. Ubi est tuus frater ?

B. Mansit domi.

A. Cur mansit ?

B. Ut pranderet cum matre.

A. Cur non mansisti et tu ?

B. Pranderam jam cum patre.

A. Quis ministrabat vobis ?

B. Ancilla.

A. Ubi erat mater ?

B. Domi etiam, sed occupata.

A. In qua re ?

B. In recipiendo tritico quod fuerat advectum nobis.

A. Quando redibis domum ?

B. Quum accersar à patre.

A. Quo die istud erit ?

B. Fortasse ad quatuor dies hinc.

A. Cur vos comiteatis tam sæpe ?

B. Sic parentes volunt.

A. Quid agitis domi ?

B. Quod jubemur à parentibus.

A. Sed interim tempus studiorum perit.

B. Non omnino perit.

A. Quid igitur ?

B. Quoties pater non est necessario occupatus, exercet nos omnibus horis ; mane, ante et post prandium, ante cœnam, à cœna diu satis ; postremo etiam antequam eamus cubitum.

A. Quibus rebus exercet vos ?

B. Exigit à nobis ea potissimum quæ didicimus totâ hebdomadæ in schola ; inspicit themata, ac interrogat nos de iis ; sæpe dat nobis aliquid describendum Latine, vel Anglice ; interdum etiam proponit nobis sententiam vernaculo sermone vertendam Latine ; interdum, contra, jubet reddere aliquid Latinum Anglice ; postremo, ante cibum et post, semper legimus aliquid ex scripturis sacris Anglice, idque tota familia præsentem.

A. Nihilne interrogat de catechismo ?

B. Facit id omni Dominico die, nisi fortasse absit domo.

A. Narras mira, si modo sint vera.

B. Imo sunt longe plura quam quæ narravi ; nam oblitus sum civilitatem morum de qua etiam solet admonere nos, in mensa.

A. Car pater vester sumit tantum laborem in docendis vobis ?

B. Ut sic intelligat, num ludamus operam in schola, et abutamur tempore.

A. Diligentia hominis est mira, atque adeo prudentia ; O quam devincti estis cœlesti Patri, qui dedit vobis talem patrem terra !

B. Faxit ille, ut nunquam obliviscamur hoc, et ejus cætera beneficia.

A. Istud est bonum et pium optatum ; cura ut habeas non modo in ore, sed in animo etiam.

B. Habeo tibi gratias, quod mones me tam fideliter.

A. Debemus officium monendi bene omnibus, sed maxime fratribus.

B. Fratribusne solis igitur ?

A. Dico eos potissimum fratres hic, qui sunt conjuncti nobis ex fide in Christo.

B. Judicas recte, sed viso num frater reverterit tandem domo ; nam est admodum promptus ad cessandum.

---

### COLL. XCIX.

A. Ades, Bernarde.

B. Adsum, præceptor.

A. Quid agunt tui duo condiscipuli ?

B. Docentur adhuc à subdoctore.

A. Tunc pronunciaſti jam contextum prælectionis in crastinum mane ?

B. Pronunciaſti.

A. Satisne recte ?

B. Satis, gratia Deo.

A. Quis audivit te ?

B. Ludimagister.

A. Bene habet ; sed est quod velim monere te.

B. Ego percipio audire istud.

A. Cogitandum tibi sæpenumero, quantum debeas Deo, largitori omnium bonorum, qui dedit tibi et ingenium, et tam felicem memoriam.

B. Quid non debeam illi, qui dedit mihi omnia ?

A. Dic aliquot ejus præcipua beneficia, quemadmodum docui te aliquando.

B. Ille cœlestis Pater dedit mihi corpus, animam, vitam, bonam mentem, bonos parentes, locupletes, nobiles, bene affectos erga me; et qui non modo suppeditant mihi copiose omnia necessaria ad hanc vitam, sed etiam, quod est longe maximum, curant me instituendum tam diligenter bonis literis, et bonis moribus, ut nihil sit requirendum præterea.

A. Dixisti omnia ista vere, sed prætermisisti unum quod est singulare beneficium Dei. Scin tu quid sit?

B. Sine me cogitare paulisper.

A. Cogita otiose.

B. Nunc ego reminiscor, sed nescio quibus verbis possim exprimere id pro magnitudine rei.

A. Tamen dic quomodo possis.

B. Cogito etiam atque etiam.

A. Dic tandem.

B. Beneficia Dei erga me sunt innumerabilia, in corpore, in animo, in externis rebus; sed nullum potest cogitari nec dici majus, quam quod dederit mihi gratis suum unicum filium; qui redemit me miserimum peccatorem, et captum sub tyrannide Satanae, ac destinatum æternæ morti; idque sua morte crudelissima, et maxime ignominiosa omnium.

A. Dixisti apte fatis, et fere totidem verbis quot docueram te alias; sed nunquid Deus præstitit hoc tantum beneficium tibi uni?

B. Minime vero.

A. Quibus prætera?

B. Omnibus, quotquot crediderint evangelio fideliter ac vere.

A. Age, profer locum ex evangelio sancti Joannis in eam sententiam.

B. Deus sic dilexit mundum, ut daret suum unicum filium, ut omnis qui credit in eum, non pereat sed habeat æternam vitam ; nam Deus non misit suum filium in mundum, ut condemnet mundum, sed ut mundus servetur per eum ; qui credit in eum non condemnatur, vero qui non credit condemnatus est jam ; quia non credit in nomen unigeniti Filii Dei.

A. Haecemus satis, sed cujus sunt ista verba ?

B. Christi ipsius, loquentis de se.

A. Quem alloquitur ?

B. Nicodemum, qui venerat ad eum nocte.

A. Christus ipse noster unicus servator fixit, ut proficias magis ac magis in cognitione ipsius.

B. Faciet, spero.

A. Perge igitur, ut cepisti, alacriter, quod Deus vertat in gloriam sui nominis.

B. Ita precor.

A. Eamus cœnatum.

#### COLL. C.

A. Tuus pater, ut accepi, rediit è Gallia.

B. Rediit sane.

A. Quando ?

B. Die Lunæ, vespere.

A. Non fuit ejus adventus molestus tibi.

B. Quid, molestus ! imo vero jucundissimus : Sed cur rogas istud ?

A. Quia fortasse, illo absente, est tibi potestas vivendi liberius

B. Nescio quam libertatem narras mihi,

A. Potandi, ludendi, cursitandi.

B. An putas igitur me agere nihil aliud, dum pater abest ?

A. Sic fere omnes solent.

B. Dissoluti pueri quidem ! Nam quod attinet ad me, vivo sic, patre absente, ut eo præsente ; bibo quantum est satis, ludo cum tempus postulat, non discurrere, sed prodeo in publicum cum bona venia matris, cum habeo aliquid negotii.

A. Esne tantopere subditus matri ?

B. Æque ac patri ; nam quid putas, nonne est præceptum Domini æquale de utroque ; Honora, inquit, tuum patrem et tuam matrem : Quid inquit Paulus noster ? Filii, obedite parentibus in Domino : Nonne pater et mater continentur nomine parentis ?

A. Istuc observatur à Latinis auctoribus.

B. Quinetiam, si esset quid discrimen reverentiæ, plus videretur optimo jure deberi matribus, ut quæ pertulerunt tantos dolores ac labores propter nos.

A. Novi ista ; et omnia, quæ dixisti, placent mihi.

B. Cur ergo repugnabas mihi ?

A. Ut accerferem materiam sermonis ea repugnantia ; nam, ut tute nosti, præceptor hortatur nos sæpe, ut impendamas nostrum otium ejusmodi sermonibus.

B. Sane est bonum otium quod consumitur in honesto negotio.

A. Huc pertinet istud apophthegma Africani, qui dicebat, Se nunquam esse minus otiosum, quam cum esset otiosus ; ut didicimus ex Cicerone.

B. Sed nunc tempus admonet ut imponamus finem huic sermoni.


A. Mones recte ; nam fortasse cœna tardatur tua causa domi.

B. Loquemur plura in nostro proximo congressu, si Dominus permiserit.

A. Precor tibi prosperam noctem.


B. Et ego tibi.







1872





Chuliga Academy  
2/28/36

NOV - 1 1936

